

志卷之十八

雜記 仙釋 方技 倫寓 邱墓義塚附
詳異 史事 軼事 說部



昔漢儒議禮家按羅典故哀葺遺文幾數十篇而其間有雜記之名雜記者別乎正經而言之也志乘一書自天星地輿戶口人物諸大端詳哉言之是即所謂正經也自是一而外如祥瑞灾祲叢林幽宅以及過客緇流嘉言逸事或傳之父老或得之遺跡又或見之名人翰墨野史稗官之所紀載一邑之中不可勝記補舊增新腋集而珠綴之亦足以廣見聞而資博治焉志雜記

仙釋

彭澤縣志

卷之十八

仙釋

晉

葛仙翁名元字孝先吳人初從左慈授九丹液仙經秘術後得道號仙翁咸甯中雲遊邑之武山有壇曰葛仙壇修煉三年不知所之丹爐藥池猶存曾極詩曰人間底事有方壺劍截青瑤界碧虛試上珠庭觀醉葛仙雲垂帶護儲

晉

梁

葛煉師名文光修真觀道士大同中修真得道白日升舉眾皆見之今龍山丹竈松壇石室遺跡尚存

宋 震臨川人爲彭澤令入修山得梁道士葛文光丹藥

爐鼎遂以黃冠隱山中仙去

居

畫公禪師未詳所自釋齊已有寄畫公詩聞君住彭澤結
精近陶公種菊心相似嘗茶味不同湖光秋枕上嶽翠百
窗中八月東林去吟詩菡萏風

乘法喜有道術明皇嘗異之贈以詩曰清溪道士人不識
上天下天鶴一隻洞門深鎖白雲間滴露研硃點周易今
十二都東龕嶺葉家山皆其裔也處州有點易亭并墓亦
作法善

南唐

西風禪師有識鑒駐錫鳳凰山下建普明寺一日過上廣
福寺以錫卓池成井時有靈液遇旱禱之輒應

彭澤縣志

卷之十八

仙釋

二

元

洪真人鄱陽人洪皓之後至正間遊武當山得法於異人
元末至邑南嶺結庵講黃老及修煉之法時立壇仗劍演
法驅雷霆致雨以濟歲旱不數年坐化自令以缸覆其屍
三日開視之惟冠服劔履鄉民祀之旱禱輒應

明

周顛仙建昌人幼患顛疾乞食南昌市明太祖取南昌顛
仙謁道旁帝問何言曰告太平帝歸建業顛仙隨至帝親
征偽漢挈顛仙行至皖無風問之曰只管行只管有風從
之風果大作揚帆直達小孤見馬當江豚戲水曰水怪見
損人多帝惡其言使人將至江邊溺之不得已而整衣裝

之行之狀至帝前鞠躬荷項曰汝殺之帝曰殺汝何爲
且縱汝行遂行不知所之後明祖患病遣赤腳僧進藥大
祖有周顛仙人傳

沈覺顯一名住得湖口人元末祝髮彭澤正覺寺修煉白
龍巖後入廬山證道山頂祖師塔卽明太祖所賜葬處也
洪武中赤腳赴闕言國祚上不報歸廬山因號赤腳僧又
四年明祖病熱疾殆甚顯與徐道人訪天眼尊者坐食頂
周顛仙披草衣至天眼曰彼所持方今至尊所訪也命顯
送藥服之病立愈詳見御製碑記中天眼與顛仙和明祖
詩所言皆關國祚

守心上人苦行深於禪理由行腳來觀音山駐錫數十年

彭澤縣志

卷之十八

仙釋

三

與邑人王演疇善王有懷守心詩曰郭外招提境最幽安
禪猶似壑藏舟山隣支遁池行腳石悟生公爲點頭論
不曾分四眾留衣未許攜千秋白蓮重發應開社計日東
林續舊遊

法迦號而白善詩翰嘗見知於山陰王遂東邑縉紳喻心
如劉觀猷與結詩社有芥園集詩

遠三禪師邑長嶺高氏子也幼入空門性喜通內典修
持於城北觀音閣四方高僧多諮訪焉一日有行人
過山麓遇鬼崇搏擊幾危適遠三來問鬼崇呼曰禪師
至矣遂避去其人獲甦後師坐化邑眾建塔道旁塑像祀
之以上舊志

應時赤山庵僧不知所自骨相權奇生平無情容坐立必
恭善醫來者與藥與方迎診者屏輿馬杖藜往視訖卽反
飲食酬謝皆不受諳內典愛與文士游清談娓娓竟日不
倦粵逆擾縣境焚寺觀應懼移神像山巖複壁中朝暮焚
香誦經脩食如平時雖雨雪不易云

方技

明

陶欽臣天性孝友綜極百家尤精於醫善入法鍼四方高
士多遊其門

宋光紳號橫秋業儒不遇先世曰杏莊者善小兒痘症遊
四方遇異人授以秘書醫由是顯其書具在光紳習焉亦

彭澤縣志

卷之十八

方技

四

擅長一時人延之風雨弗避診視發藥不計利也一日暮
歸道拾遺金啓視之則某甲輸糧者晨起詣故處望其人
踉蹌來告曰我拾得以侯君耳其人曰我鬻業以償逋微
君長者敲樸斃杖下矣願分半爲長者壽光紳笑而去之

國朝

饒 施字惟教任饒州醫學享年九十四邑侯李贈有杏

圃長春匾額

以上舊志

楊 鈞字在川號慎階監生少讀書未遇因刻意方書選
通醫理遠近賴活者衆凌觀察廣赤任福建糧儲道時延
鈞入幕適某將軍征臺灣病瘖諸醫束手廣赤薦鈞往治
立愈將軍大喜謂鈞曰良醫也從吾行凱奏補太醫院鈞

國辭厚贈仍不受

醫技蕃儒醫也操術多奇效求治者日填其門靡不釋憾以去未嘗索人謝果飽之遺弗卻亦量而取之時人以為不失儒素年八十有九以無病卒

僑寓

陳

張正見字見頤清河東武城人梁元帝立拜通直散騎侍郎遷彭澤令屬梁季喪亂避匡俗山高祖受禪詔遷都陳鎮東鄱陽王府墨曹行參軍歷宜都王限外記室僕史著士帶潯陽郡亟累遷尚書度支郎通直散騎侍郎著士如故有集十四卷

彭澤縣志

卷之十八

僑寓

五

唐

陸龜蒙字魯望舉進士不第遂放浪山水間號江湖散人又號天隨子甫里先生嘗過馬當山鐫石勒銘後人因為立亭有詠萍詩曰曉來風約半池明重疊侵沙綠闌成不用臨池重相歎最無根蒂是浮名讀其詩可知其高寄矣李 白字太白興聖皇帝九世孫當安祿山反白轉劍宿松匡廬間永王璘辟為府僚佐璘起兵逃還潯陽行坐事誅初白遊并州見郭子儀奇之子儀嘗犯法白為救免至是子儀請解官以贖有詔長流夜郎會赦還潯陽行坐事下獄時宋若思將兵赴河南道出潯陽釋之辟為參謀未幾辭職李陽冰為當塗令白依之代宗立以左拾遺詔而

已卒

五代

歐陽敷鄧州南陽人事漢隱帝爲中書舍人周太祖時柄
天雄節鉞光祿大夫檢校尙書侍郎管番鹽鐵使以老求
退後因兵亂避居九華山遷彭澤筠塘終焉子曠登咸平
進士歷官常侍以父墓所在子孫遂家彭澤

宋

周信頤號濂溪道州人卒葬九江三起山其裔一支遷彭
澤橋村世居焉

黃庭堅字魯直號山谷爲西江詩派之祖尤工書法與東
坡齊名往來彭澤多遺蹟焉今存有宿舊縣五古馬當六

彭澤縣志

卷之十八

僑寓

六

言讀書巖石刻大字

周 厚鄱陽人咸淳間進士官江東寓彭澤之東山後裔
孫以仁因而世居焉

元

吳 澄字幼清號草廬崇仁大儒其在彭記讀書巖云大
德六年余如京師九月舟過彭澤宿水驛初識仲寬遂至
尉解觀所謂書巖盤桓而不忍去

明

李仁美新淦人永樂間以人材授四川蒙化通判致仕歸
至彭之太平坂因以居焉

李 紀章邱人明天順間爲縣幕賓時狄公祠壞紀慨然

曰公以忠孝聞天下後世奈何所治之邑祠弗修乎遂捐
所積幕金悉以修祠何綸紀其事

湯賓尹字霍林宣城人號睡菴未遇時館於嶽山劉氏額
其堂曰牛室

鵝池翁天啓間卜者不言姓名自號鵝池翁居邑西門賣
卜近二載得錢卽沽酒獨飲飲必盡醉醉卒伸紙疾書書
罷輒去其稿人欲物色之不可得有造訪者亦不答拜最
後於廢紙中得五七律詩各一首云落日殘橋外維舟與
不孤春潮將滿岸江鳥下平蕪負笈纔離楚吹簫已入吳
千金輕一擲漫自說呼盧又曰浪迹江湖老此身緜袍誰
念故人貧沙汀逐鶴渾閑事風雨看花又一春抱玉幾年
彭澤縣志

卷之十八

僑寓

七

終獻楚懷書垂老不干秦明朝說有孤山約短艇長歌任
性眞遂逸去

國朝

吳文煥字劍虹閩人幼隨父士宏令彭澤宏捐建其學書
院延邑明經汪鎮玉主席使煥師事之後煥登辛丑榜眼
致政歸訪彭邑故舊留連數月不忍去酬唱吟壇饋遺一
無所受

李天英孝廉字紉蘭別字約庵少從父客彭性伉爽倜儻
有氣槩能文章工書法尤豪於酒士夫多與應詠邑人施
南田進士官同方極友善有龍城竹枝詞十七章風雅宜
人爲時傳誦載入志內

州大興人也隱其名有中表官粵東寄簡邀之舟過
山遇風覆舟行李俱沒落拓至岸生高景雲離中兀
不言與之談經史沛然若決江河贈以金辭去越二旬
而偶遇觀音山遙望石巖中隱約有人近視之則張也云
不食已三日矣復延於館同故乃知其阻風金剛料資盡
居石巖意將餓死高仍以金厚贈之臨別吟詩致謝後不
知所終

邱墓

後周

歐陽敷墓

在五柳鄉
筠塘壟

宋

彭澤縣志

卷之十八

邱墓

八

姚興墓

在鮑家窰按興山西人爲和州守宋欽宗時與金人戰於長子橋陣亡麾下義旅昇尸以通葬於此高宗追封忠侯後人題其墓曰獨領孤軍將姓姚一主忠義爲前朝有人肯假征戎力未必將軍死畏橋明祖攻陳友諒於鄱湖夜夢一人戴鍪披甲擁盾左右狀若護衛者次日果克友諒訪知爲姚興贈旌忠王

正議大夫歐陽秀墓

在十二都走馬坂

童司空墓

在上漳洪童家山司空名湖碑刻宋銀青光祿大夫墓

朱丞相墓

在浩山下

顏希孔墓

在鳳凰山麓希孔以縣人爲縣簿與元兵戰而死縣人昇其尸葬焉今山有廢塚卽是

高竹澗墓

在武山筋竹澗高名天錫見鄉賢傳明正德間墓燬棺見殉葬簡衣皆爛斗篆文墓誌欲倚棺

側廬山李
嘉龍所撰

進士喻臣墓

在太平坂
丁壩山麓

元

河志操墓 翰林木深之祖葬在家港後斯錄曰世德作

錫

劉尙書墓 在九都下堡村洪於此

明

王奎墓 在縣南十里趙家嘴

丁湛墓 在縣南十里趙家嘴

曾尙書祖墓 在九都橋亭 尚書省吾始祖祖寶二葬處也

亭記而舊志復於此詳載曰工部尙書恪菴曾省吾之

墓左手山瞰下長子承一附葬歐陽氏右本墳原管載

冊山二畝北至本家祖墓一仍橋亭祠居續分一派大

郎村次永二分名承四下續分一派永三分居十二都

彭澤縣志 卷之十八 邱墓

及克友諫 遂軍安陸 改又為安陸人子孫時至彭澤

九畝七分三與周氏為宅 曰蕃遂并中神道蓋之

光賣三分與周氏為宅 曰蕃遂并中神道蓋之

康辰年撫臺王宗載檄 祭墳前左右至周家屋後

榮查復中神道以便 祭墳前左右至周家屋後

山傍脚盡處此萬應八 本墳左右前後四至田家

得墳前地三分為居宅 改視舊四

國朝

洪維幹合墓 在嘉慶二十一年 吳甯公子孫山二面

曹文緯合墓 在嘉慶二十一年 吳甯公子孫山二面

贈知府汪銓墓 在安徽 知縣命昌言有誌銘

祥異

漢

建興元年十月有鳥從江南飛渡江北不能達墮水死者以千計

晉

義熙五年春正月地震有聲如雷明年盧循亂

宋

清熙二年馬當山羣狐掠人

明

正統二年一作成化二年小孤北岸崩三里餘壞民居數百

成化十七年大疫民死甚眾

宏治七年秋大水

彭澤縣志

卷之十八

祥異

十

正德元年夏大水 八年冬湖口彭澤江流水合可通人

行 九年八月朔日食既星見雞犬鳴吠 十四年春地

震屋瓦有聲是年宸濠叛

嘉靖元年春大水 九年夏大水 十八年夏大水

二十三年旱民無穫 二十四年春淫雨無冬三錢

饑殍枕藉 二十七年夏大水 三十五年旱

隆慶六年二月雨雹大如雞子屋瓦皆碎

萬曆元年一作二年四月朔日食既晝晦雞犬皆鳴 二年三

月虎入城書見鳳凰山 十二年塌毛州地出火焚烈有

聲以薪投之輒焚七日夜乃滅 十六年大旱又大疫

十七年十八年並飢 三十六年夏大水 四十二年均

民多飢殍 四十三年羣鼠渡江而南食禾 四十二年夏四月昏流星西墜大有聲

天啓元年正月大雪四十餘日虎獸多餓死 三年秋七月熒惑守斗口九月乃退八月太白入月冬十有二月太白晝見於東 四年正月二十八日日漾如鎔初赤既白如月

崇禎元年冬十月江魚池魚皆凍死 九年大旱 十年十月朔日有食之晝晦二時雞犬鳴吠 十三年大旱民掘石粉食之粉出陶王山馬王山各處亦出食久四肢無力且便閉有人傳以桃花葉煮水飲之得解 十四年夏四月至六月不雨歲大旱秋蝗食粟盡飢殍載路

彭澤縣志

卷之十八

祥異

十一

國朝

順治元年異鳥遍集山林大如駝鵝通體皆白遂兆乙酉左良玉之變 三年夏大旱米價騰貴石直六兩飢孳甚眾 四年夏四月朔日暮天門開於西內現五色如晝麥無收 五年六月初八日暮天門開於西有文如前開闢有聲夏大雨兼旬田畝民舍多漂沒 六年正月十一日晝晦如夜咫尺無睹 九年夏大旱犬吠以鳴經旬不絕十三年謠言宮中拘刷童女民間嫁娶殆盡

康熙二年秋大水洲民苦勞 三年夏六月十六日夜虎入城時知縣秦興岐坐堂比糧有虎驚至堂下人皆駭散冬十月彗星出東南自翼軫行歷胃昴數月 乃滅 七年

春正月昭明星見有赤氣一道上闕下銳如火燄 夏大雨六月十六夜地震有聲 九年秋熒惑入南斗月餘不退冬大雪積月長江凍幾合 十年夏大旱自五月至十二年春大饑夏四月眾星叢流自北而南有聲 十二年冬十有二月寒雨雷電 十三年春多雨 十七年夏六月十二都民家有蛇大如驢長丈餘伏田中食禾焚楮祝之乃去 十九年冬十月長星見西方如練起女虛入奎凡四十餘日 二十年秋八月地震有聲 二十一年秋儒學成丹廟門有門現方丈如印者六次丹角門現文方長不一人以爲瑞遠近聚觀八月彗星見於角次於房

彭澤縣志

卷之十八

祥異

三

經月乃滅 二十二年春大霖雨馬當柯宅邊樹鳴聲如鐘 四十六年秋大旱民飢 四十九年夏旱秋大雨禾漂沒 五十五年夏大水秋大旱民多飢殍至八月乃雨 五十六年夏麥秋禾俱大有年 五十九年有年 雍正三年大有年 四年秋大水 五年夏秋大水 七年秋羅翰聲妻宋氏一產三男 八年大有年 九年大有年 乾隆四年夏三都畢繼白有馬產駒頭爪特異俄雷雨交作隨水而逝羣鼠過江食禾三都尤甚 七年大水壽民汪汶明年百歲建坊 十五年夏四月二十三日大雨雷 二十有至三十餘觔者三都尤甚 十八年秋九月癸酉戌

有氣如虹著天色紫白自東南歷西北久而始沒 二
年春久雨夏大水秋七月好蚘生十一月江心洲有穴
出火投葦輒然臭似硫黃久而未息 二十一年冬十月
地震有聲 二十四年七月初金剛料地方大雨雹木棉
傷 二十九年四月茶麥豐收五月中旬大雨七晝夜江
水泛漲四洲漂壞民居甚多縣城水至儒學前船可入市
知縣潘庭颺勸城鄉富戶捐米石散給被水者多沾惠焉
三十一年大水洲地五種無收江東南近水之地亦多
被水知縣高尚禮詳請辦賑 三十二年夏大水 三十
四年夏大水十二月地震 四十六年五六月大旱禾稻
棉花歉收四十八年大水 五十一年八月夜二更天西

彭澤縣志

卷之十八

祥異

七

南忽裂開丈餘光焰如爐火旋變黃色繼又白色逾兩時
漸收合 五十三年大水知縣胡率德詳請辦賑 五十
七年大水 五十八年大水五種無收知縣胡率德詳請
緩征借給籽種口糧 六十年冬春間木冰樹多折

嘉慶六年大有年 七年大旱自五月中不雨至七月下
雨枯禾復生知縣邵自本詳請散給籽種口糧緩征錢糧
十一年大有年 十二年大有年 十四年四月二十六
日雨雹大者如雞卵城內及一坊十三都木棉多傷七日
大旱夜有紅光如電闊數尺蜿蜒自北而南有聲 十六
年五月十二都株樹冲夜二更大雨蛟起山石奔落村舍
漂沒無數溺斃男婦十六口知縣秦樹慶捐廉賑濟收

之有老婦年五十餘隨水漂數里不死是年蕙屋戶尤長
丈餘自夏初至秋未始浚 十八年夏大水秋冬不雨
堰俱涸有掘地丈餘不得水者 十九年歲歉斗米錢四
百八十文冬大雪長江冰 二十年歲歉 二十一年四
月十三兩雹菜麥被傷甚多五月大水洲地低田無收
二十二年春正月三十都定山寨何奇峰妻王氏一產四
男五月旬日內雷擊斃七八人大風兩雹拔折大木甚多
六月下旬北風寒二十九日夜尤甚次早九都浩山見雪
木棉多凍傷 二十三年大有年 二十四年三月十三
日大雨雹 以上舊志

道光三年大水 五年六年俱有年 十一年大水至儒

彭澤縣志

卷之十八 祥異

志

學前冬大雪深四五尺樹木多凍死 十三年大水至時
家巷民掘石粉而食 十四年蝗災 十九年正月地震

二十年臘家山汪宅上首石洞突湧洪水丈餘居民駭
走有老者命投以大水即消者忽不見 二十八年奇
水至縣門船入市 二十九年奇水較二十八年高三尺
餘城不沒者數版民多殍死 三十年水鬪各處池塘條
高三尺芙蓉墩江岸一帶出火可炊夏間二麥大熟

咸豐二年小孤山竹開花盡枯死 六年有年石米干六
百錢 八年十二月二十三日四都鼓樓嶺居民斧柿樹
中現天下太平四字波磔黑如漆徹表裏雖眞書不啻昔
唐大厯中成都獲瑞文有天下太平字詔藏秘閣今復如

冠蕩平東南底定之兆 十年八九十月大水
年大水季冬大雪深五尺餘麋鹿多餓死

元年二十五都禪步塘地上出火如煤踰時方止冬
華口壠水躍高數尺 二年城鄉房屋多被賊燬殺戮尤
甚兼之瘟疫流行死者無算夏麥秋禾皆無收斗米錢七
百糧田每畝價僅數千 三年大旱斗米錢七百城鄉羣
豺食人小兒尤甚 八年大水船入城市洲民殍死季秋
長嶺高酒店中金鳴月餘聲聞里許 九年春小孤山竹
開花盡枯死

史事

漢

彭澤縣志

卷之十八

祥異 史事

七

獻帝建安四年孫策被詔討袁術會術死其妻及部曲男
女就劉勳於皖城勳糧少潛軍襲取海昏糧策聞之分遣
從兄資輔率八千人於彭澤待勳自與周瑜率二萬人步
襲皖城克之資輔又於彭澤破勳走入楚江

建安八年孫權征江夏呂範與張昭留守曹操至赤壁與
周瑜等拒破之拜神將軍領彭澤太守以彭澤柴桑歷陽
為奉邑

晉

懷帝永嘉元年華軼為江州刺史甚有威惠得江表心流
亡之士附之如歸時晉室孤危四方瓦解軼每遣貢獻入
洛不失臣節元帝以瑯琊王教令行於郡縣載不虛承

言欲見詔書耳元帝因遣揚烈將軍周訪率眾屯彭澤
以備軼訪語著作郎于寶曰彭澤江州西門也華彥夏石
憂天下之誠而不欲碌碌受人控衛頃來紛紛粗有旗幟
今又無故以兵守其門將成釁矣吾當屯潯陽故縣無嫌
相逼也已而洛都不守元帝承制易置長吏軼不從命於
是遣左將軍王敦等討之戰於益口又戰於彭澤前刺史
衛展斬軼以訪為潯陽太守

懷帝永嘉五年華軼遣別駕陳雄屯彭澤以拒王敦自率
江師為援

梁

永定三年九月周將獨孤盛與賀若敦領兵水陸並進太

彭澤縣志

卷之十八

史事

六

尉侯瑱襲破獨孤盛於楊葉洲彭澤地名盛登岸築城自保已

而司徒侯安都會瑱南拒周師盛潛遁

宋

開寶八年王明破江州軍獲船十餘艘敗湖口軍奪戰艦
五百遇南唐將朱令贇將焚采石浮梁明帥所部舟師屯
獨樹口密樹長木於洲浦間若帆檣狀令贇疑大軍襲其
後逗撓不敢進明移檄諸軍相為犄角至小孤山合勢大
破之擒令贇卒大半皆赴水死金陵平治明安撫諸郡擢

知洪州

元

至正十二年春平章星吉與卜顏帖木兒復池州五月賊

小孤江又戰於小孤及彭澤復湖口又戰於龍開河克江
小乃命王惟恭柵小孤而吉白據湖口縱其要衝以圖後
復已而糧乏援絕賊急攻吉遂死

至正二十一年八月劉基請棄安慶徑拔江州領陳友諒
巢穴太祖從之遂率兵西上長驅過小孤友諒將丁普郎
傅友德率所部歸附

至正二十三年四月友諒悉眾號六十萬來攻江州破之
進攻南昌朱文正力戰禦之遣千戶張子明告急七月明
祖親帥舟師二十萬西援南昌過彭澤歐陽尙誠帥眾義
旅齎牛酒迎王師已而與友諒鏖戰鄱湖卒誅友諒江西
悉定

彭澤縣志

卷之十八

史事

七

明

洪武初征偽漢陳友諒於彭澤縣洲得捷故今洲名得勝
洲

正德七年閏五月流賊劉六劉七齊彥名等沿江東下六
月復沂流而上七月又下凡三往來民空室以避寇害者
甚

正德十四年六月宸濠叛逆舟師過彭澤焚劫殺戮市邑
爲空

崇禎十七年三月闖賊陷北京馬士英等立福王於南京
先是甯南侯左良玉避流賊鋒住九江閏五月一年進道葉
士彥以大義諷之乃返武昌會監軍御史黃澍與馬士英

用爲邸報藏太子詔詔良玉入清君測樹德
良士叛於武昌順流東下三月至九江協總督袁繼咸標將郝二連左營四月焚掠九江一空而去所過
江郡縣皆成赤土屠剽之慘甚於流賊已而良玉氣塞
我
南豫王帥師下江甯兇豎夢庚面縛歸誠亂乃定

國朝

順治五年江西提督金聲桓叛遣其黨王得仁攻陷九江
偽著吳高鎮之屬縣皆被其害八月大將軍譚太來討偽
鎮逃去

康熙十三年逆藩耿精忠叛於福建徽饒建撫山賊倡亂
彭澤縣志

卷之十八

史事

六

以應之烏合甚眾攻劫郡縣破湖口將及彭澤縣令喻良
度力不支聲言往府請兵渡江而北城遂不守賊肆剽大
兵旋至賊始遁

以上舊志

咸豐三年春正月粵逆陷九江聯樞東下十六日抵彭澤
縣肆劫掠向軍門營尾追夏五月賊上竄陷縣城焚

文武廟及各廟神像秋八月二十日復陷縣城擄掠一空
四鄉市鎮爲墟邑宰遁冬十月賊入城設僞官四年春賊
城小孤湫隔江增礮堡賊據之至七年秋九月彭宮保玉
麟督水軍破小孤復彭澤城賊敗遁冬十月賊復據城分
一股營於太平關爲犄角十一月李中丞續儀大破之橫
二十餘里賊夜遁合境肅清二十一日知縣張開城奏

檄蒞縣理事民漸復業十年冬十一月普鎮軍承堯定
於建德賊尾之城又破楊軍門岳斌率水軍旋復之十一
年春正月鮑軍門超大破賊於鄱陽之雞公凸餘賊盡潰
散四境乃安同治二年春二月金陵賊黨上竄分據四境
自春徂秋焚殺擄掠蹂躪不堪知縣督勇守城賊不敢犯
秋七月官軍由鄱陽進勦賊敗遁縣境乃無事

軼事

顏光祿延之先爲劉柳功曹在潯陽與淵明交款後爲始
安邵經過日造淵明每往必酣飲致醉臨去留二萬錢與
淵明淵明悉送酒家稍稍取飲

張正見彭澤令值梁季喪亂避地於匡俗山時焦僧度擁

彭澤縣志

卷之十八

軼事

九

眾自保遣使請交正見懼之遜詞不納然以禮法自持僧
度亦雅相敬憚

開元中鄚郡王昌齡自吳抵京國舟行至馬當山屬風便
而舟人云貴賤至此皆合謁廟以祈風水之安昌齡不能
駐亦先有禱神之備見舟人言乃命使賣酒脯縶馬獻於
大王兼有一綳草履子上大王夫人而以一詩命使者至
彼而禱之詩曰青驄一疋崑崙牽奉上大王不取錢直爲
猛風波裏驟莫怪昌齡不下船讀畢而過當市草履子時
兼市金錯刀子一副貯履子內至禱神時忘取之誤并履
子將往使者亦不知齡至前程偶覓踏刀子方知誤將神
廟所矣又行數里忽有赤鯉魚長可二尺躍入昌齡舟中

曰歸矣曰白朶之味呼侍首烹之既刻腹得金錯刀子書
歎息曰鬼神之情亦昭然嘗聞葛仙公命魚送書古詩
有剖鯉得素書今亦頗同

王子安往交陞省親過馬當宿上元縣賊後有方竹子安
欲伐之夜夢神告曰母伐竹詰旦當助以神風顯子文名
翼辰登舟風駛自馬當抵洪都迅速問行五百餘里既至
作滕王閣序一座盡驚諺曰時來風送滕王閣本此
明太祖攻陳友諒夜渡小孤黑霧四塞帆檣不進兵士惶
恐忽見雙燈前導問是何神空中應聲莆田林氏女也比
天完將丁普郎等欲降未決卜於神得吉遂降

石志

杭州蔡可宗隨父仲敷司理衡州過小孤廟題詩有狎語

彭澤縣志

卷之十八

軼事

十

其夜岸上無柝聲詰朝官召巡役詢之曰昨夜見有冠屨
者立船頭我輩謂是夫人玩月故不敢出耳官疑其憐而
誑亦置弗問開船風陡發闔家俱沉

曠園雜記

俞漢乘令湖口時有湖口關監督任滿送之至小孤山則
彭澤屬矣泊舟山下筆帖式某偶彈一鳥飛入小孤廟追
之入廟鳥伏神像上復彈之正中小孤肩眾共止之不以
爲懼漢乘回未一日忽有飛棹來言筆帖式肩發一疽號
呼不輟特來延醫及醫至彼亦死矣 又湖州姚陟山任
湖廣學道其子返過小孤山入廟題詩有戲狎之語同舟
友四人三人屬和一人不能詩迨次日放舟中流風發舟
覆姚與四友俱溺其不能詩者遇救得免俱康熙年間事

彭澤縣鄉曰黃花有農戶逢氏田甚廣已牛不能備耕嘗
借他牛以兼其力逢氏之猾惡爲一鄉之帥得他牛則晝
夜夕歸筆耕於烈日景答禱於物矣未嘗一刻容其息一日
拜雷發逢氏震死皮日休曰逢氏之猾惡天假雷刑絕其
命信矣夫生民之基不過爲稼穡之功皆不爲是畜之力
哉則天之保牛齊乎民命也宜矣今逢氏若其力天則震
死如燕趙無賴少年椎之以私學烹之以市貨法不可戢
刑不可威則天之保牛皆不降於雷刑哉逢氏之死吾不
知是天地也

皮少逸文藪

狄文惠公祠前有唐長壽時寶珠山茶花一本至今森茂
又柏木八章今存其二欹向無枝葉自本達顛若斧劈然

彭澤縣志

卷之十八

軼事

三

人傳創祠時因植劈柏而生雷陽之竹蓋有先之者矣咸
豐三年祠被焚茶柏灰燼

馬當山懸崖削壁俯瞰江流陡石中生桃二株高尺許餘
一株開花結果一株不花果榮枯輪遞成實歲歲如常

紹興間張俊遣卒至彭澤卒故縣吏怙俊勢侵辱令令郭
彥恭械之俊斥於朝帝爲罷彥恭王居正言彥恭不畏強
禦無可罪

王居正傳

南唐保大間封馬當上元水府爲廣祐甯江王宋太平祥
符二年改封上元水府爲福善安江王令江州遣官祭告
潯陽顯醮

涵山令李充伯源侍其父秀仲將爲廣東憲解秩出江道

楚舟過小孤，山勢雖便而篙櫓不進，因上謁龍祠以祈
安濟，乞筮不獲，旁有言者曰：龍知還自番禺，或有渚玉之
屬，顧視行李，獨有番琉璃貯佛舍利百餘，因以啓龍一擲，
而許伯源乃跪船舷以瓶下投水，而壑開裂，觀見其間神
鬼百怪，寶幢羽蓋，鳴鑼擊鼓，執金爐迎者甚眾，而不露
濕一人拱手，上承舍利，既下水，卽隨合舟，舵輕颺，轉首之
間已行百里。春渚記聞

邑人王奉玠沒其子心約，思之弗諼，設像以祀，踰數歲有
宿松生員汪錦遊學於彭，見玠像，遽然驚曰：此卽吾鄉之
神，素稱顯赫者，其在斯耶？約詢其故，錦備述之約，遂親往
松邑，新其廟宇，鏤其形容，居三年，然後歸。至今松之汚池

彭澤縣志

卷之十八

雜事

三

有王公祠，春秋享祀，歲以爲常。府志

張勃吳錄曰：彭澤有鳥，棲食團飯，投之高下，無失，巫山迎

船鳥亦然。

續博物志

山林港丁姓，自宋卜居中堂，綽楔有墨書鴻漸二字，尔文
公筆也。今近六百載，而墨蹟如故。

明末有士人泊舟馬當磯，下夜半聞啾啾哭泣聲，五更始
散，士人晨起，踪跡之沙洲，畫如鳥跡者數行，士固淹博者，
以意譯之，得詩一首，云：長鯨吸浪海天昏，兄弟同時弔
原千古難消魚腹恨，一家誰識鴈行冤，青春少婦空臨鏡，
白髮高堂尚倚門，最是五更淒切處，一輪明月照雙魂。
觀音閣有飛來鐘一口，約重千斤，相傳風雨雷電之夕，平

家刻元至正時物也自馬當某廟飛來

給諫劉公堂初名璽以流徙音相同惡之易今名丙子鄉
試舟泊吳城鎮有隣舟鄉試者一人晨起言曰我昨夜夢
天榜發某某登名又有彭澤劉璽克庵聞之隱自尤曰璽
屬某初名非今我也爲之怏怏及榜發果中此與宋王拱
壽中狀頭夢畧同

縣治東五十里洪家嶺上有古井白氣常出其間土人掘
得古石磬一枚長三尺許形如魚色斑駁無斧鑿痕背有
孔扣之其聲清越以長可聞四五里邑文學曾述得之懸
寶山泉書屋邑侯顧東田鑿有記湖邑儀部沈廷獻有詩
請其異

彭澤縣志

卷之十八

軼事

三

宋兩樵覲未捷時夏方旱其弟夜以桔槔灌田呼與伴挾
卷一燈一以往田畔有石巖卽讀書其中灌罷弟呼歸意
必聞也遂不屑而寢曉起門尚閉叩之未歸往巖視之則
一燈熒熒而吟聲未輟古稱雞竿漂麥之流何以異是
縣治東三十里凌宅前隳小港水中有石方而長高丈餘
中裂爲兩裂處有兩坎分之爲四徑尺有奇圓滑若盤類
人工所爲相傳昔有異人安墨線於石上牧童見而戲彈
其線石遂裂有二寶馬出焉飛崖出澗如履平地追至馬
當始浮江而去追者歎曰了當矣了當矣猶云了了也今
四坎現存石上馬蹄宛然因思韓退之馬蹄研銘云天馬
有靈迹在於石漢武帝紀獲汗血馬注汗血一日千里踏

右有迹寶馬之迹古固有之且馬當山舊有馬迹高是一
証也舊志載寶珠石據此似當以駒易珠

夏莊劉姓村東有林曰大樹林中有大蛇土人常見之陶
王山在其南相距二十餘里雍正初年五月忽起黑雲直
覆林杪林木亦起白雲上與雲接蜿蜒向陶王山而去
雷電風雨大作時頃刻遠望村居前後昏黑如晦蓋蛇化
龍去也山中有竹濤下通空室卽蛇出入藏身之處蛇去
後有從穴中得二鱗者金色燦然每五六月間輒有雲覆
林必兩村人曰此銀尾龍望祖也

治東十餘里一都有白馬將軍廟乾隆三十年間總制高
公名晉巡城各官出巡兩學師騎馬往憩廟中以俟頃之
彭澤縣志 卷之十八 軼事
傳差已至學師猝命馬來蓋指乘馬也而廟中所塑之馬
忽應聲而碎時學師安福歐陽德榕高安丁燧也

橫塘江姓族居數十家乾隆三十年間村夜火有老婦羅
氏與媳臥房異處媳倉皇往救姑室已在烈焰中火稍熄
他室皆灰燼覺姑所臥處似歸然獨存突焰往視且驚且
喜而姑在布帳中猶熟睡未醒也媳以火告睡眼朦朧從
容語曰吾亦謂睡夢中何其暖也乃火即因扶出此婦蓋
貧而守節數十年者

明宏治間彭澤王公守中其人孝子也沈仙覺軒與之遊
同栖縣城觀巖者屢月一日仙覺去謂王曰汝後有急可
至五老峰下扣石呼我王曰無事迺邑大旱曰

此師云有急時乎遂白邑令奉書往峰前一呼石壁頓開童子導入沈曰吾令雨去汝留此矣王欲復命沈遂取一水瓶書其上封識與之曰至汝縣方開若鄱湖中遇驟風浪將兩木枝按十字置船頭呼沈師下拜卧波恬矣已果遇風如命而濟然瓶水撼湧洪洞有聲將傾器破紙矣王競持難住至江口漏灌抵彭澤城尙七里王曰近矣猶揭其封心一龍從瓶騰出雷電交馳風雲驟合大雨傾注須臾平地水深數尺霽時達縣眾巫方撫爲已功王曰此何得沒沈師意也且沈師言於次日夜分當傳七燈於觀巖舊坐處令候之果驗王因是意忽忽欲從沈師遊復至峰前呼之不得門入矣

河圖書明察須參以上舊志

彭澤縣志

卷之十八

軼事

五

馬當文孝宮最著靈應咸豐初髮逆在香口將渡湖以撲馬當浮橋駕矣夜忽雷雨湖水暴漲衝散浮橋次夕望廟後山一炬初分頃刻蔓延十餘里中有馬鈴聲賊以爲官軍大驚奔回下隅坂自相踐踏死者甚夥後廟被燬僧昇神像藏洞窟克復後居民往迎而僧已物故莫知神像所在忽白兔自草叢出尾之至山頂石巖複壁中神像在焉昇歸暫寄他廟時有勇丁肆行侮慢忽癡狂自擲其首嚼礮碗舌破而死叅戎李定陞舟上磯遇風將覆禱神獲免火夫攬李金數百逸莫獲李禱神廟果攬金者自返匪猶完璧詢其故則云至黃石磯忽昏迷如前羅網隱有驅之來者不知卽故舟也李搗所獲金建廟并持疏各營以集

裘腋馬當紳膏釀金戴事較前加壯麗云

銅鼓凸一名洞湖在大泊湖內寬約一畝微高尺餘草色
鋪芬與四面無異惟夏秋水漲至數尺數丈不等此凸獨
隨水高下小舟多依之以形似銅鼓故名殆亦靈州浮山
之類與凸之四圍多洞竅大者圍一二丈小者圍數尺泥
水深淖不可測四時溫暖若有氣滂滂然

嘉慶四年余家洲江岸有甕七枚大可容五斗紅紙封糊
其口次第排列不知其何來也土人相戒不敢動越數日
江岸奔沒於水

說部

王宏造淵明淵明無履宏後人脫履以給之宏語左右為

彭澤縣志

卷之十八

說部

五

彭澤作履左右請履度淵明即眾座伸腳及履至若而不
疑續傳陽秋

歐陽文忠歸田錄云江南有大小孤山在江水中央巖然獨
立而世俗轉孤為姑并轉江側澎浪磯為彭郎謂即小孤
婿余常過小孤山廟像乃一婦人而勅額為聖母豈止俚
俗之謬哉按南唐陳致雍撰曲臺奏議集徐鍇為序其間
一首云正大孤山小孤山神像曰淮祠部牒據彭澤鎮申
大姑小姑乞改神儀者釋山曰獨山曰屬屬孤也今下民
謠言穿鑿浮偽作為淫祠何所尚哉彭澤鎮所申改正其
尤中所安排神儀部伍典或不載但依常式去婦人位立
山神廟貌余乃知南唐已嘗討論改正至本朝因循既久

復婦人像而勅額至以聖母爲稱其鹵莽曾不若南唐也
宋吳曾能政齋漫錄

按徐鍇徐鉉之弟字楚金廣陵人在南唐爲內史舍人此序當作於南唐時陳致雍當更在其前而集內云彭澤鎮所中則此時小孤山屬彭澤地明矣其時去唐不遠則唐以前皆屬彭澤地又明矣

胡氏曰東坡在潁州因歐陽叔弼讀元載傳嘆淵明之絕識遂作詩云淵明求縣合木緣食不足束帶見督郵小屈未爲辱翻然賦歸來豈不念窮獨重以五斗米折腰營口腹云何元相國萬鍾不滿欲胡椒鉢兩多安用八百斛以此殺其身何翅抵鵲玉往者不可悔吾其反自燭淵明隱

彭澤縣志

卷之十八

說部

七

躍粟里柴桑之間或飯不足也顏延之送錢二萬卽日送酒家與蓄積不知紀極至藏胡椒八百斛者相去遠近豈直蘇合彈蜣螂糞丸比哉
茗溪漁隱叢話

晉宋人物雖日尙清高然箇箇要官職這邊一面清談那邊一面招權納貨陶淵明眞個是不要所以高於晉宋人物
朱子語錄

士之生世鮮不以榮辱得喪撓敗其天真者淵明一生惟在彭澤八十餘日涉世故餘皆高臥北窗之日無榮烏乎辱無得烏乎喪此其所以爲絕唱而寡和也
劉後村詩話

米元章九月十一日渡楊子江五言詩眞跡在杜編修鎮家有孤嶼水中圓遙空海邊闊之句惜不得其全編
池北偶談

宋景文言大小孤山以孤獨爲字有廟江壩乃爲婦人狀
龍圖閣直學士陳公簡夫詩曰山稱孤獨字廟塚女郎形
過客誰知誤行人但乞靈時稱佳句

潯陽雜俎

按邢寬曰靖節先生以義熙元年秋爲彭澤令其冬解綬
去職時四十一歲矣後十六年晉禪宋又七年卒是爲宋
文帝元嘉四年南史及梁昭明太子傳不載壽年晉書隱
逸傳及顏延之誄皆云年六十三以歷推之生於晉哀帝
興甯三年乙丑歲

靖節集

張縝云先生辛丑遊斜川詩言開歲條五十若以詩爲證
則先生生於壬子歲自壬子至辛丑爲年五十迄丁卯考
終是得年七十六併記之

全上

彭澤縣志

卷之十八

說部

三

馬當所謂下元水府山勢尤秀拔正面山腳直插大江廟
依峭崖架空爲閣登降者自閣西崖腹小石徑捫蘿側足
而上宛若登梯飛葢曲檻丹碧縹緲江上神祠惟此最佳
陞游入蜀記

彭浪磯屬江州彭澤縣三面臨江倒影水中亦占一山之
勝舟過磯雖無風亦浪涌蓋以此得名也昔人詩有舟中
估客莫漫狂小姑前年嫁彭郎之句傳者謂因小孤廟有
彭郎像澎浪廟有小姑像實不然也

同上

張鋌者累任邑長以廉直稱後爲彭澤令始至縣宅堂後
有神祠祠前巨木成林爲野禽羣巢其上糞穢積於堂中
人畏其神故莫敢犯鋌惡之使巫祈於神曰所爲土地之

神當潔清縣署以奉居人奈何使腥穢如是即爾三日中
當盡逐鼠禽不然吾將焚廟而伐樹矣居二日有數大鵝
奮擊而至盡壞羣巢又一日大雨糞穢皆淨自此宅尾清
淨矣 稽神錄

明曹能始遇馬當有佑客曲今錄其二詞云莫作江中馬
朝朝無人賈但作舟中雞夜夜逐村啼平過小孤石穩渡
馬當山前途何處險湖口有新關 清陽縣志

鄒南臯端陽前一日至彭澤母夫人泊大江相去十餘里
南臯坐後舟泊邑城取夫會郡丞署篆他往邑簿尉相次
來謁南臯懼母舟野泊急欲得夫自卯至午計無復之乃
持尺牘呼尉至而厲詞詰之須臾夫集舟行家僮喜謂不
彭澤縣志 卷之十八 說部 无

厲詞則不懼不懼則夫不集而舟不行南臯退而深自慚
悔呼尉至以好語慰勞之遺詩刑要覽一冊然尤悔不能
已因自訟曰維桑與梓必恭敬止彭澤吾桑梓地奈何以
一尉而遂忘恭敬之心乎生平以理性為主茲詞暴氣粗
恣不可令知者見且不過爲尉可欺耳萬一尉有陶彭澤
其人束帶以去遂爲世僂人怒可輕試哉或曰聖賢處此
何居曰聖賢甯從容以俟不忍以一事而戾中和因記之
以昭過謂不如是與家僮喜心者何異 出類編

周少隱云詩人喜效淵明體者非不多但使淵明愧其雄
鷹耳章蘇州詩云霜露悴百草時菊獨妍華物性有如此
寒暑其奈何擬英范濁醪日夕會田家盡醉茅簷下一生

以不多非惟語似而意亦大似矣故東坡論韋蘇州詩晚
年極似淵明知詩者也 香齋續聞

廖夔爲人不好談諧嘗讀裴悅經杜甫墓詩擬掘孤墳破
重教大雅生曰悅乃劫墳賊耶聞者皆笑乃在江州彭澤
縣盛暑患體燥以一大桶盛冰水坐其中其簡率類如此
五代史補

蘇東坡曰吾於詩人無所好獨好淵明詩淵明作詩不多
然質而實綺癯而實腴自曹劉鮑謝李杜諸人皆莫及也
陶靖節集

黃山谷跋淵明詩卷曰血氣方剛時讀此詩如嚼枯木及
綿歷世事知決定無所用智又云謝康樂庾亮成之詩鍾

彭澤縣志

卷之十八

說部

三

鑪之巧不遺餘力然未能窺彭澤數仞之巔者二子有意
於俗人贊毀其工拙淵明直寄焉持是論淵明亦可以
知其關鍵也 同上

陸象山曰詩自黃初而降日以漸薄惟彭澤一源來自大
稷與眾殊趣而淡泊平夷玩嗜者少 同上

桂雲暉遊寶珠山記節錄初應鏡石石廣僅尋平明如鏡
其上稍翳其下可燭鬚眉蓋其異也下則冥然幽壑芳泉
可吸復上則萬松成蔭樸檉蔽崖余乃攝衣先登遂得方
石石廣可丈餘中有斷文斷處不滿尺俯瞰之其空豁不
可測投之瓦礫則琅琅有聲石孔橫出一松僅拱把枝葉
扶疎輒復還抱其本困蟠如龍有客欲破石爲他植者予

曰渾沌固未可鑿也獨不能爲此石存古乎遂止於是從
盡處俯窺之所爲寶珠石依然在也張口還向如有所失
其孔固昭然也

桂離應遊山記

萬曆間凌氏中洲建魚池書屋浮水面其下洞如也前臨
方池繞以石欄下有圓竅通水出入門內古柏十八株時
禽棲息其上每當景物明媚魚鳥相忘亦大觀也延豫章
葉先生某課諸孫一日先生讀子偶倦小憩適一人擔敝
絮一肩識先生不在座造其堂觀句讀有訛一一剔出遂
入厨向火先生來諦視之爽如也遍叩諸生生不應已乃
廉得擔絮者呼坐與語莫測涯際因加禮焉主人中洲聞
之具新衣酒食獻之歡留三日臨去贈詩曰散髮長歌一

彭澤縣志

卷之十八

說部

三

舉厄今其爲鵠過南時解衣沽菰黃州酒信口吟成赤壁
詩海國莫嫌風遶冷山高休怪月來遲平生寄跡烟霞外
若問家鄉總不知乃脫新服衣舊衣擔絮而去去未幾使
人踪跡之不知所往

魚池述異

山陰王季重小孤解岷源浩發會彭蠡之流東走天門以
趨於海無所撐抵則崩瀉而狂逞勢當洪害青烏氏言壘
曰不閱則風氣不鍾孤山中立於大江察其情面似爲楚
屬而要之闌屏豫章者居多一夫當關萬馬莫上惟其孤
立不呼友朋故足畏耳然則孤之爲孤也名之必可言也
無惑也而世代沿俗塑奉小姑額勅聖母者何居王子曰
吾聞之內典菩薩度世好現歡喜慈悲寶相故屬山有女

之詞聞海有娘媽之號巖巖泰岱神是碧霞元君洋洋
南海佛作觀音女像蓋低眉之心苦於努目救度之說必
以慈航不聞人窮則反本急迫則呼父母乎父母之呼於
母更急當風濤危急盡歸命於母卽安流無恙亦必爲其
明馨而去由孤而說之爲姑由姑而登之爲母此物此志
也舊志

燕孺登集中有董監廟古詩云仁傑淫詞廢欲無枯楓老
櫟兩三株神鳥懶得高人食飛趨征帆過蠡湖董監不知
何許人廟當在彭蠡湖濱今不可考矣白志

瀟湘有橘鄉洞庭有橘里彭澤有橘市白玉蟾橘隱記

武庫公劉曰曦幼從叔祖肖崖公學公嘗稱其父志曰教

彭澤縣志 卷之十八 說部 三

子不留田半畝曦隨應曰養親自自有祿千鐘公謂其父曰

神駒千里復生吾家矣卒如所言石函藏稿

順治十二年湖廣一女子被擄至小孤投水死屍逆流八
百里至漢口李翰林收瘞之於懷中得詩十首今錄其二
云征帆又說過雙孤掩淚聲聲怯報烏沒入江流葬魚腹
不留青塚在單于國史當年強解親殺身自古美成仁斷
纓雖愧奇男子猶勝王家共事臣李爲之立碑

丁孤山先生應任要職清介自持所居不蔽風雨門人徐
五台撫江右爲構一第頗宏徹先生忤分宜罷歸不樂居
之擬於城內了髻山下構一書館若費無積夜夢發藏金
旋寤自咎曰是豈利心未忘耶不然胡爲有此事也遂坐

初旦大加悔責檢囊得數金結茅屋數椽匾曰行窩嘯
歐其中一日海忠介瑞過彭澤造訪留飲贈聯心懸魏闕
三千里身老行窩十二家卽其地也

王孟箕農桑輯要栽木棉法擇不下濕肥地於正月地氣
透時深耕三遍攤蓋成熟然後作成畦畛每畦長八步闊
一步內半步作畦面半步作畦背用耜耨平起出覆土於
畦背上堆積至谷雨前後擇好天氣日下種先一日將已
成畦畛連澆三次用水淘過子粒堆於濕地上瓦盆覆一
夜次日取出用小灰搓得伶俐看稀稠撒於澆過畦內將
原起出覆土覆厚一指待六七日苗出齊時旱則澆漑鋤
治常要潔淨稠則移栽稀則不須每步只留兩苗稠則不

彭澤縣志

卷之十八

說部

三

結實苗長高二尺之上打去衝天心旁條長尺半亦打去
心葉葉不空開花結實直待綿欲落時爲熟旋熟旋摘
木棉一步留兩苗三尺一株此相傳古法依此則肥而多
收圖纂作於近代云一尺一定者太密此邇來稠種少收
之濫觴也又棉花密種者言四害苗長不作蓓蕾花開不
作子一也花開結子兩後鬱蒸一時墮落二也行密子多
不能風與旱三也結子暗畦四也又總種棉不熟寡收有
四病一穉二密三瘠四蕪穉者種不實密者苗不茂瘠者
糞不多蕪者鋤不數

邑治衙後歐陽勉齋家塾有單葉牡丹色白一日忽開數
瓣桃紅色光艷照入至今尤甚千葉榴花一本結實明歲

辰勉齋子國柱登甲榜亦徵瑞應之先兆云

觀察凌廣赤與文學汪星昇同讀書於了髻山下凌夜夢
天門忽開恍然身在雲間郭宮闕俱極壯麗見大旗
一面上書婺字寤後以告汪曰高登雲路之兆也婺
星分野浙江君必山仕此邦汪後遊歷至金華府寓寺寺
僧失禮時凌守余幸汪書詩投署凌見之曰吾老友汪某
來矣備輿出迎寺僧愧悔詩云二十年前了髻山同牀說
夢破愁顏如今列宿天開婺獨有沙鷗片影閒

交柯木在邑南二十五都危姓蓮花山兩木隔澗對峙而
生直上文許忽合爲一再開枝葉四時蒼翠至今猶茂殆
卽所謂連理者 以上舊志

彭澤縣志

卷之十八

學田

三

捐產各目附

學田 書院 考棚 廣文堂 忠義祠 教忠祠

義勇祠 畢家渡 汪家義渡 大埠頭 月山墩

芙蓉墩 固夫灘 南田坂 澌村澗 觀音閣

學田 劉智湖渡

一陶學易長樂坂田叁畝零陸釐租穀陸石

一宋錦玉葉宇若十二都田租穀拾石地租銀柒錢三分

一汪于禮江于茂黃花坂田租穀二石地租銀二兩

一高顯土地租山租銀二兩雞各一隻菘豆各一斗

一項家山田二畝八分租銀一兩六錢

一柯秉凡湖西墉田地十五畝五分八釐租銀二十五石

銀二兩

學門外右基地二間額租銀一兩六錢其餘內外左右基址悉載學冊共額租銀四兩起解 學院項下

湖西壠田原係學內文昌閣收租因前縣喻衙後新創文昌宮為邑吏藉名所侵失額已久於康熙五十四年有郡廩生歐陽燧增生汪國璇正直端方素為邑望同生員陳天錫等釐清學田呈學詳府經署府安斷歸學內之文昌閣立有碑石此田歸學皆燧等力也

新增學田

一十五都黃土嶺劉廣運門首下坂田一坵計一畝八分又一坵計一畝六分熊家墩水田大小五片共計二畝又

彭澤縣志

卷之十八

學田

三

一坵計二分五釐堰三分段家大塘一分五釐草塘一分又汪家塘地壹畝二分又婆婆墳地共五片又孟家洲地一片共計一畝陸分係生員汪元魁所捐

一三十都黃鶴壠水田一坵計二畝六分一坵計二畝八分一坵計九分一坵計四分

四號合作一坵本田勘下堰水澆蔭

又皮匠灣

乾田一坵計四分又黃家灣陸地大小五片共計二畝係監生洪國桂之妻陶氏所捐

氏生三子長光第幼光策皆入縣庠次光符亦列成均不幸相繼而亡氏不忍子名湮沒捐產入學請詳各憲批允勒諸貞珉用垂不朽云

湖西壠學田碑記自古學田之設所以崇學校也而號畝

爲田地之實紀數不可不明數定則租有成規斯垂永久而無弊湖西壠學田一所原屬彭邑公產歸學以作支用其田地坵段號片新舊兩志未及詳載僅註租利志亦不符卽所註畝分又與實數不合有疎畧之處遂閱欺隱之實以致佃戶瞞吞日久嘉慶二年例貢王立本倡議具呈釐清未果迄嘉慶八年立本之子監生美涵因鄉民朱達士指明田地實數獻單在學遂繼父志不惜捐貲會同武舉歐陽佐增生時雍生員計煥章生員張炳煌廩生柯選琴廩監歐陽元廩生何士喆生員柯因培等稟縣勘丈幸逢邑宰陳公昌祚急公崇學准委捕廳嚴公文英會兩學師吳公凌鳳易公軾臨田逐一勘明五十號共計田貳拾彭澤縣志

卷之十八

學田

五

叁畝壹分與志載之數較長陸地柒畝有零又查出柴山貳墩魚塘壹口半志遺未載者俱已清出繪圖開明詳案從寬飭令該佃照畝科租屆期輸學向之久爲瞞吞者今返而歸公矣學校其有裨乎第恐歷久弊生爰勒諸君以爲炯鑑將所清田地分別鑄石土名坐落概著分畝號片不迷於以表今茲之釐清永定亦以杜後日之欺吞復萌也厥後閩邑鉅公重修縣志覽碑詳載俾學田永存不失云

李家壠

水田壹畝七分

坐漏坵上

水田壹畝六分

坐斗田

水田五分

東一截坐大塘口

水田三分

坐黃竹籬

水田五分 坐西塆松樹嘴

水田二分 坐西灣

水田六分 坐大塘背

水田五分 坐長塘灣以上水田八坵俱大塘蔭

水田四分 坐大塘背栗樹嘴塘蔭

水田四分

水田一畝一分

水田一畝 三坵俱坐栗樹嘴俱栗樹嘴塘蔭

水田三分 坐東塆

水田八分 坐大塆二坵俱學塘澆蔭

魏家灣

水田四分 坐本灣上塘口本塘澆蔭

乾田三分 四分田角上塘蔭

陸地六分 坐本灣南

李家壠

西塆乾田四分

乾田三分 俱大塘蔭

陸地四分

陸地三分 俱坐西塆

彭澤縣志 卷之十八 學田

陸地二分

陸地一分 俱坐長塘嘴

東塆乾田一畝 坐大灣學堂口本塘澆蔭

陸地二片計五疋 俱坐乾田後

陸地三分 係學庄基

陸地二片共六分

陸地八分

陸地八分

陸地三分 俱坐庄基上下手

劉賢壠

下灣乾田四分 坐下灣口

陸地三分 坐乾田四分地上

陸地二分

陸地三分

陸地六分

陸地三分 西一畝

陸地五分

陸地二分

陸地一分五釐

陸地一分

地二分 東一截

陸地七分 俱坐下灣

乾田四分

陸地三分 坐下灣叔婆塘西

大灣腦陸地四分

藤箕塢陸地三分

老張壠陸地四分

油匠塢乾田三分

庄基後柴山一畝

下灣嶺柴山一畝

李家壠大塘一口

三股內一大塢塘一口 係學獨管

以上田地俱坐三十都湖西境內水田共一十五坵

計一十畝零六分租穀二十五担乾田陸地三十五

片計一十二畝五分額租銀四兩正新米二斗雞二隻

鹿田碑記彭澤春秋丁祭向用鹿脯供自獵者四十八戶

由來舊矣嘉慶三年眾戶因鹿脯難得求以羊脯代之士

彭澤縣志

卷之十八 鹿田

長

林不服彼此控爭各憲均批仰縣會同儒學妥議至嘉慶

六年眾戶自願捐貲置買鹿田五畝每年計納租穀拾石

五斗以備購買鹿脯之費士林欣允息爭定案所有田畝

暨由學管理核算之規刊刻於石永垂不朽焉

一號水田一坵計四畝東至汪田南至屯田西至劉田北

至江田其田係大塢并水窟又蓮花塘其澆蔭計塘米四

分

一號水田一坵計四分東南至劉田西北至江路其田係

大塘澆蔭塘米四厘

一號乾田一坵計六分東至澆蔭塘南至高田西北至汪

地其田係李家塘六厘澆蔭

一每年丁祭或鹿脯難得用作歲修若干并除夕元旦油燭若干由學師開除

一每年額租穀十石五斗豐年不加凶年不減

一每年各項開除總於十二月上旬城中管公首事到學

核算由學申報

書院產業

一鐵爐山周虎形山斜對面水田九坵共八畝四分獨塘

澆蔭乾田五坵共四畝小北一個陸地三十五片小北三

個共二十畝零一分瓦庄屋一重上下二進計基四分

一四都炮場地方陸地十三畝庄屋一重

一監生鄭源等控歸山地九墩共計二十二畝五分坐落

四都沈灣寨河泗壠卷存工房

一坐員周世祿之妻陶氏批捐水田九坵共計五畝六分

六厘陸地二十九片共計十畝六分六厘俱坐八都東山

壠庄屋一重又水田一坵低田二坵共計六畝七分俱坐

橫山橋山場塘基稻場在內卷在禮房

一坐員徐權監生徐華光案結歸人山澗田地三十餘號

共計二畝五分坐落七都古樓潭鷹窠庵下

卷在刑房
畝在徐姓

一職監高世俊契買謹晏水田九坵計九畝十出五坵計

四畝陸地四十片計二十三畝俱坐二坊阮家均禹家嶺

下庄屋一重柴山二面獨塘一口破號堰三口草湖一墩

契在禮房

一生員柯光澤呈捐水田三坵計二畝七分干田四坵計四畝二分陸地二片計一畝二分俱坐落一都將軍廟螺螄山下茅屋四間新造瓦屋五間卷在禮房

一監生高演軸妻張氏詳捐湖地三方與汪陳王三姓共分六股內二股坐落二坊鵝頸灣口高家山下大灣大地蛇籠三處卷在戶房

一貢生胡嘉述捐入東關外油店前橋頭大路邊二則水田四坵共計四畝四分澆蔭堰一分契一紙

一貢受胡撰廷東關外閔家橋上下等處水干田共五畝四分五厘柴山一墩澆蔭塘堰共三分印契一紙又老印契四紙

彭澤縣志

卷之十八

書院

四

一知府方體斷歸僧易明募置山田十一畝五分地一畝五分卷在儒學

一貢受汪成綬韋家壠等處田地共計二十一畝四分澆蔭塘一畝一分柴山併坐山共一畝庄屋一重基地八分三厘印契一紙

一知縣秦樹慶批斷汪王二姓互爭十五都黃土寨柴塢山橫丈三百六十五弓歸入書院管業

一生員沈洪照控捐柴塢山八股內二股斗名柴凸塢契一紙

一貢受余世宏子孫德仁等東山壠內柴山一面身名內反培印契一紙

芥字一號泰興洲在余家洲上柳洲學一半原額其地七十頃畝 草坦一頃九十畝 沙灘六十頃一十畝 東至大江西至水口南至大江北至金雲老峰乾隆二十三年大丈長二千八百弓廣六百弓積一百六十八萬步計七十頃畝 十九年大丈徵課銀九錢 後變則增課銀八兩八錢迄嘉慶二十三年大丈全坍註冊

乾隆十九年六月初六日署縣周千里 審得柳洲學新漲一洲係乾隆六年二月洲民張錦盡劉萬乾等三十二人併柳洲學之名報佃即今之芥字號洲也業經詳報咨部陞徵此洲原因與復柳洲義學待洲蘆茂以資膏火故有柳洲學之名十八年劉萬乾等報僉洲頭以承局丈詎

彭澤縣志

卷之十八

書院

聖

有原報無名之張景三串通監生葉以任等混爭滋訟本署縣查案集訊將芥字號洲斷作二股一歸柳洲學一給原報之佃均分每年拚蘆之時議明蘆價同客赴縣報明給照方許砍蘆柳洲學一股之銀繳存縣庫以備興復義學之需取具劉萬乾等不違遵依附卷永斷葛藤嗣後原佃等如敢私拚舞弊將洲盡行歸公斷不稍貸也立案重字號盈甯洲在小孤山下柳洲學一股原額其地一百三十頃畝 草地八十四畝 草坦五十一頃畝 沙灘七十頃一十六畝 泥灘八頃畝 東至珠字一號分水今至石墩西至大江今至淡字號南至大江今至重字二號北至同三號 長二千四百弓廣一千三百弓積三百

一十二萬步計一百三十頃畝原額課銀八錢四分十九年大丈變則增課銀四錢其一兩二錢四分後變則增課一重字一號柳洲學一股坐落四至見上至乾隆二十三年大丈計長一千八百弓廣一千三百弓積二百三十四萬步課銀一兩二錢四分至四十八年大丈長如前廣折八百六十弓三尺四寸積一百五十六萬二十四步計六十五頃一分增課銀至十一兩四錢三分五厘嘉慶二十三年大丈計長一千一百二十五弓廣二百六十弓積二十九萬二千五百步共十二頃十八畝七分五厘減課銀至五兩九錢三分五厘在冊

一重字二號坐連一號西至大江南至大江東至光字號

彭澤縣志

卷之十八

書院

聖

分水爲界北至重字一號乾隆二十三年大丈計長二千

二百弓廣

折

一千一百弓積二百四十二萬步共一百頃

八十三畝三分三厘零課銀一錢三分三厘三毫三絲三

忽至四十二年大丈計長二千弓廣六百九十三弓積一

百三十八萬六百步共五十七頃七十五畝增課銀至一

兩四錢五分三厘三毫三絲至五十三年全冊註冊

一淡字一號坐落復源洲與眾姓共分柳洲學二十一兩二股

半內得一股西至江南至重字一號上截水渣東至重字

一號下截水渣并珠字同三直下北至江嘉慶三年大丈

計長三千四十弓廣

折

七百弓積二百一十二萬八千步

外喝計水影沙灘五頃六十畝課銀二十一兩四錢五分

至二十三年大丈計長三千八百二十八弓廣_折四百三十六弓積一百六十三萬七百二十八步_共六十七頃九十四畝七分八厘零減課銀至十八兩五錢五分後漲册丈註印册

一結字一號坐連李字號柳洲學二十六股內得一股西至李字號南至峯火磯東至洪山殿并宿字號今并結字號老洲直下北至馬當磯嘉慶二十三年大丈計長三千八百五十弓廣三百五十一弓積一百三十五萬一千三百五十步計五十六頃三十畝六分二厘五毫課銀十三兩後變則增課丈註印册

一李字一號坐落繼定洲柳洲學二十六股內得一股西

彭澤縣志

卷之十八

書院

三

至大江南至峯火磯今至新港通江流水直上東至山今至結字一號外水溪北至馬當磯嘉慶二十三年大丈計長四千弓廣_折一千五百九十弓積六百三十六萬步計二百六十五頃畝外喝計水影沙灘五頃畝課銀六十一兩後變則增課丈註印册

一李字二號嘉慶二十一年報漲卷在工房二十三年請丈入註印册西至大江南至光字大江東至李字一號北至馬當磯計長三千四十弓廣四百六十尺積一百二十九萬八千四百步丈出地五十八頃二十六畝六分六厘零外喝計水影沙灘二十頃畝課銀四兩二錢柳洲學二十股內原得一股丁世馥又將已名下股分內撥出一股

捐入榔洲學該洲二十六股內榔洲學實得二股

一出字七號坐落中生洲榔洲學十股內得六股西至六號東南北俱至大江嘉慶二十三年大丈計長一千六百五十弓廣一百六十七弓二尺五寸積二十七萬六千三百七十五步計十一頃五十一畝五分六厘二毫五絲課銀十三兩五錢後變則增課丈註印冊

一知縣顧鑒祥歸營側公墓二方係左右居民立約賃造完租卷在工房

一陳善友獻歸校場路外公基一片造屋種園立約完租一生機山前草蕪一披南至正覺寺蕪東至正覺寺田西至王山北至何堰

彭澤縣志

卷之十八

書院

四

一職監丁世馥誥職艾欽赤庠生凌健捐入寒宇二十八號洲土十股內四股于嘉慶二十年奉撫藩府各憲批飭變賣春衣書院分得價九八八錢三千一百二十二千六百二十五文其錢全數現存生息日後置買產業永爲新俸膏火之資

春衣書院日字三號洲坐落縣前洲濱江東至月盈稱辰老勘直下西至大江南至獅子山大江北至小孤山長一千二百弓廣二百一十弓積二十五萬二千步計十頃五十畝內草地十五畝課銀一錢五分草坦十畝泥灘四頃畝沙灘六頃二十五畝外喝計水影沙灘七頃畝皆例不

科

臨門外二坊獅子山柴山一畝每年山庄錢九百文約

承禁伐石傷龍 此係道光元年買受高協奇之業

鐵爐山阮家坳庄屋一重基地一畝新添房屋俱係公業

塘四分水田五坵計四畝五分五厘干田四坵計四畝

四分陸地一十八片計一十一畝 此係道光二年買受譚映彩之業

橫山橋東山墘庄屋靠背基地三分做造餘屋 此係道光元年買受

汪姓之業

二十都西灣塘施家巒等處庄屋二所基地一畝四分塘

六分潭一口柴山一墩塹壩一條水田二十七坵計一

十九畝五分二厘干田六坵計三畝九分五厘陸地三

十五片計一十三畝八分五厘湖田二坵計一畝二分

彭澤縣志 卷之十八 書院 聖

此係道光元年買受李守善兄弟之業

外郎山坂上水田四分樓下李姓門首水田三分 此係買受彭李

二姓之業

十五都蒼山嘴柏樹下邱家墘等處庄屋一重同治癸亥

兵燹無存基地稻場在內又庄屋一所基地稻場塹壩

俱與陶姓其分書院得一半同治癸亥庄屋被兵焚燬

無存其水田四十三坵計四十六畝一分五厘 欠六干

田十一坵計五畝五分五厘 長一陸地八十片計三十

四畝七分五厘 欠三分五厘現存十四 澆陰塘廟俱全

二方計家橋蓮花塘水田三坵計一畝五分二厘半干田

五坵計三畝三分陸地八片計二畝六分半柴山一墩

十五都黃板橋丁家壠干田四片計二畝四分陸地十三片計八畝八分

二都烏砂橋陽思坂水田一畝六分干田五分陸地一畝

水田濱湖臨熟均分以上四條係丁道焜償完父世積手領借寒字號洲土變價本錢連

黃板橋計家橋烏沙橋其契

西都七里岡周家倉油榨壠等處水田十坵計九畝七分

五厘干田二坵計一畝五分陸地二十八片計二十畝

松山二面山與鄭姓其分書院得一半倉下庄屋兵燬餘基稻場菜

園書院得六股之二

油榨壠庄屋兵燬全無坐山林窠餘基稻場蔭塘一口湖

田八分此係張光玉韓學讓半賣半捐之業

彭澤縣志 卷之十八 書院

巽

又庄屋門首水田三坵干田地俱在內計一畝七分此業并倉

下庄屋股分俱係東邑周步雲所賣之業其契

二都曹家橋庄屋一重水田一十六號計二畝六分陸地

六分干田九號計九畝三分五厘此業均與丁姓其分院內所得一半係州

同丁際暉妻陳氏捐產郡守劉熾昌額以樂善不倦又三甲廟店屋一重干田一

畝五分一坊丁家嘴陸地九片計六畝二分長源壠老

屋畢等處水田一號計六分又田一號計四分陸地八

分地一畝二分湖田一畝又地五片計三畝三分又地

三片計一畝六分

十五都黃土嶺城南坂李家坂段家坂等處共水田一十

七號計二十畝零一分二厘半此係同治七年王俊民公位下捐業

因郭柳洲上自鏡子山下至官橋港口册編荒日盈三
其七號戶名彭官馬啟課係官輪乾隆二年北平李
松泰清地歸公永禁開墾其官捐課項請歸册江盧棧
內一體開除建立書院左右種植柳株以培氣脈附郭
一帶居民造屋搭棚俱在書院立約賃租又洲內繁傍
觀音山脚下先有長濠一所上接考棚水溝下通官橋
港向係漁戶大山張向春管業歲納漁課銀五分九厘
後塗淤成洲張姓子孫猶思藉課收租并阻栽柳說銀
開墾道光十六年合邑紳士勸其捐公所有向春戶內
漁課收入書院戶內完納張姓樂從書立捐契稟案蓋
印今洪家塘堤外一帶房屋菜園及窰戶泥厰皆歸書

彭澤縣志

卷之十八

書院

七

院院收租

餘見山川

又下季賣蘿蔔人在新開鎮柳林內搭棚挖窖照棚收租
錢四百文歸院

窰堤外湖地二片計一畝坐落觀音山下中窰堤東邊並
排二片係道光十八年周廣墀賣歸書院有收之年而
議租息

日字三號即柳洲新淤上自鏡子山下至小孤汊直連縣
治前并書院門首向係書院與丁綺石合報書院册名
又開運今丁綺石股分盡捐歸書院厯屆增課與結宿
等號併入六都十甲柳洲學戶內完納

出字七號坐落縣城對面拾股內書院得六股今於同治

七年汪日輪佃管每年限期六十千文所有蘆課及丈費俱係佃客承納與書院無干

額字號洲熟地二片坐落豬肝石下道光十七年丁廷賢兄弟抵償欠項之業今沙壓荒廢

淡字號新洲二十二股半內書院得一股今每年限期錢六千文

李字一號洲二十五股內原得一股道光四年業戶分洲剩存一股因與光字號洲毗連公商貼入書院以補頭廠之瘠今二十五股內寔得二股約地八十餘石坐落烽火磯對面道光十七年以後全洲開種

李字二號全洲二十六股書院向得一股又丁世馥捐一

彭澤縣志

卷之十八

書院

哭

股共得二股道光二十年廩生丁世錄捐二股職員丁箴捐五股三厘三歲貢丁道焜捐十一股六厘六中丞吳文鎔額以義行可嘉又艾元臨捐一股咸豐三年洪義謨春園草堂洪德明等二股扶岱山一股今全洲係書院管業

珠字復壹號洲道光三十年永合堂捐課銀四兩整

結字號洲新淤坐落洪山殿下手山脚下二十五股內書院得一股咸豐三年丁廷遠將二寸五股內已名下五股三分三厘賣與書院同治三年丁文仲將二十五股內已名下五股八分三厘賣與書院今書院於老洲新淤二十五股內共得一十二股一分六厘

光字一號洲道光七年汪陶鎔經手買受丁連友曾以齋
曾嶠英各名下共一十八股半又道光十九年公局獎
志費欸買受葉格平名下六股半今全洲二十六股內
書院得二十五股坐落烽火磯上龜山對面

重字一號老洲書院原有股分道光年間原明復漲增課

入册十九年增生丁世新將新淤作二十四股捐出三
股其子童生丁鍾丁蓉等於道光二十七年二十二
股內又捐新淤一股又廩貢丁世錄之妻扶氏又捐出
上重老洲十二股內得二股均已通詳立案同治九年
丁毓堂丁秀二人將已名下下重老洲四股之一又新
洲六十股內一十二股半賣與書院

彭澤縣志

卷之十八

書院

巽

城內東嶺上五屋一所同治元年買受費生德業計基米
三升今作五柳書院并安奉祀典神祇又全處路東基
地一方同治元年買受周志旭丁秉衡之業今作二雲
樓

河字號洲同治六年 誥職周勛等所捐之業坐落馬當
鎮下手大興洲

西門外鏡子山下五屋一重二邊挨身餘屋并側邊傍衝
五屋店屋二所同治五年城工歲修費買受江寶成兄
弟之業每年租息備城工歲修用度係書院帶管

韋家壠水田一片計九分陸地一片計五分此嘉慶年
間汪陶鎔經手買受汪廷模汪行楷之業

考棚

一考棚後北角每年屋租錢陸千文

一考棚前北角并屏牆內外基地租作晒場每年租錢八

千文

邑人候選州同艾綬所捐田地山場

一號坐落牛頭沖水田一坵計丈八分

二號全處陸地一片計三分又陸地一片計丈六分

三號坐落閔家塢口山一面又全處塢內山一面

四號坐落大塢虎山山一面

五號全處柴山二坵共計六分

六號全處山一面 叫名銀皮塢 七號大塢山一坵

彭澤縣志

卷之十八

考棚

五

八號牛頭沖內山一坵 叫名銀皮塢 九號晒柴塢山一面

十號全處柴山一面 共計紅契六紙山田陸地四至俱在契

以上每年議定柴庄并折租錢十千零八百文豐年不

加凶年不減前九月交錢次年管業過九月不全交聽

從另調此項捐錢歲歲所有永備考棚修理之費刊載

一坊碑內其印契六紙存城內管賬人處輪流交接契

當立有領收字免致失脫

一考棚按年租息除修理用度外餘錢詳登公簿又捐

修省貢院餘年九十二千文於二十四年勒碑收存同

登公簿生息以爲善後之資

廩生李友松妻何氏捐助鄉會兩試卷費立廣文堂田地

號畝開後

程家山正隴田一斗七升 榜上粘連田叁號計一斗二升

同處田二號計六升 祇家嶺田四號計一斗七升

窑門口田一斗三升 葛皮塘後田五號計一斗

葛誌塢田二號計七升 葛皮塘田六升

邱家山田一斗五升 同處田一斗五升 榜上田六升

共計田十二畝四分計租穀三十石

墓誌塢口地一斗 大塢內地二號計一斗

邱家山地二號計一斗六升六合

共計地三畝六分六厘計租花七十餘觔

又抱兒樹民田地與柯姓共分

彭澤縣志 卷之十八 廣文堂 三

嶺背後田二號計二斗一升柯姓大路東邊田一斗

湯壩上叫路下坵田五升 店上首田一斗五升

張姓門首田三升 店後塘前第二坵田三升

同處塘前第四坵田三升 新塘山後田一斗

馬家塘前澗壩上田三升 蓮花山前叫名石板坵田六升

下灣坵叫蘿卜坵田一斗 四斗坵內田一號計二斗

勸下田三斗 四斗坵壩下田二斗

下灣田三斗 富春塢藕塘上大小田十五號計六斗五升

成三塢內田二號計一斗二升 杉樹坵田六升

藕塘壩下粘身田三號計一斗五升

白虎山嘴地一斗 又地一斗五升

梨巴樹地四號 共計四斗五升

詹家山地二升

以上與柯姓其民水田二十八畝七分又民地七畝二分十股內已名下應得七股

又全處已名下民水田四號共計三畝六分

二共已名下應得民水田 二十三畝六分九厘計租穀五十三石八斗

民地五畝零四厘計租花九十四觔半

又紫萍塘與陳共 袖樹堰壩上田一斗 暹山坵田一斗二升

叫地田一斗 深壠坵後田九升

門口塘壩上田一升 巴坵田八升

上隴二斗坵內西邊田一斗毛家山上截田五升

兜水坵田三升 菜豆港上邊地田一斗

彭澤縣志 廣文堂 卷之十八 壘

紫萍塘上手羊塘尾 壠田一斗 菜豆港松石坵田一斗三升

地田下邊田一斗 門口中坂上沙坵田八斗

深壠坵田八升 七斗坵內田一斗

全處田五升 上坂叫四方坵內田 一斗五升

楓樹坵田一斗二升 毛家山田一斗八升

門首七斗坵田一斗 毛家山二斗坵內田 一斗四升

社下坂田七升 下壠田五升

方家山田四升 沙坵田八升

巴坵田一斗六升 菜豆港長田五升

新屋圍基田九升 毛家山田七升

粘身田五升 遊草塘壩上田一斗五升

門口中坂上厄頭坵田五升墩上田七升五合

七斗坵內田四升二合五勺菜豆港田二號計一斗一升

粘身塍上田四升 新屋塘并坵田九升

門口塘前田一斗五升 菜豆港塍上方家山田一斗二升

長坵前田一斗 兜水坵田一斗

并坵田一斗二升 堰口田六升

漏坵田二號計八升 毛家山田前一截計五升

西邊堰田一斗 葉家堰地田一斗

深隴址田一斗 泥裏驚梅樹坵田一斗五升

新屋塘口田一斗五升 毛家山田一斗二升

毛家灣田九升 全處田四升

彭澤縣志 卷之十八 廣文堂 三

高坵田七升 獨山凸脚下田三升

粘月萬田八升 竹巒下田一斗

月形山下田七升 門口港塍上田三升

四斗坵內田六升 社下田五升

同處田五升 坵上田五升

門首田三升 坂屋門首田一斗一升

油草窟田三升 學堂前叫灣坵田一斗五升

粘身塍上田五升 兜水坵田一斗二升

西邊堰田五升 新屋塘田大路下老隴坵一斗二升 深隴坵田九升

共計民水田三十一畝四分九厘 計租穀五十九石

又與陳共竹巒老六地粘身 一號計五升 坂上屋後馬坵地五升

油草塘墾上地五升

又全處地八升

社前地三號計二斗

劉姓下手墳山下地六升

老屋塘地五升

皮柯墾上地二號計

九升五合

坂屋上首

皮柯墾上地二號計九升五合

墾上地一斗

灣頭港地二號計一斗

一斗

社背港墾上地五升

梨樹墩港墾上地二號

計三升

竹巒下地三升

共計地五畝二分五厘計租花八十六觔

又紫洋塘民佃張玉林戶內故屯田號畝與陳姓共分

桂辛礮西邊田一斗五升

全處田八升

粘身田一斗五升

全處叫地田六升

全處田六升

全處大路西邊田一斗

彭澤縣志

卷之十八

廣文堂

書

全處田一斗二升

全處大路西邊叫

上坂田三升

全處圳墾上田一斗五升

全處大路西邊叫

上坂田三升

全處葉家堰墾上田一斗四升

以上共計田一十畝零七分

已名下應得田五畝三分五厘計租穀十石零七分

以上共田七十二畝九分三厘地十三畝九分五厘庄

屋一重已得一半

每年田地計租穀一伯五十石有奇租花二百五十餘

觔除完錢糧餘租兵米及各項使用外會計三年總共

存錢若干依鄉會試人數分派會試卷費五倍於鄉試

如鄉試每卷得錢一千文則會試每卷得錢五千文准

此為例其拔貢 朝考優貢部考俱照會試卷費分領

恩科卷費分正科之半

廩生李友松之妻何氏捐助山汶港橋修理田

戲子灣曾宅店後叫纏山坵田五升坐曾宅西邊塢內田二升

十贊壠老堰田七升 全處大灣坵塢下田五升

壠內叫牙三田六升 全處叫廷爵田四升

曾門首叫秧田田三升 馬家堰田六升

曾門首叫新田田四升 全處田三升三合

大房前橋頭邊粘連田二號計五升盧家塢口四方坵內田一升計五升

曾家堰牛車墩田一斗 以上其計田六畝五分二厘

泥通塢地五升 全處地二升

全處地一升 朝替下地一升

彭澤縣志 卷之十八 山汶港 考

叫廷凡地五升 全處地一升

又地一升 山下塢地二升

坵上一畝地一升 東邊崗地三升

全處地三升 鐵匠壠地四升

全處地四升 大路邊塘地八升

七房屋後地五升 宜洞塢粘連地二號計五升

朝替前粘連地二號計六升 下邊地三升

下首澗西邊地六升 七房下手地三升

七房上手地三升 王家嶺地三升

慕山塢地六升 塢后地四升

盧家塢地三升 全處地三升

仙脚下長地三升

橋頭李家嘴地二升

七房下邊地二升

以上共計地九畝八分

忠義祠業產

一買愛項樹盤十五都城南坂段家坂等處民水田四十
九號其計五十畝六分二厘半又皂角樹庄屋一重門
前稻場左右餘基三股之一又塘堰五分

一買愛項愛泰同處民水田七號其計四畝

五分七厘半
又塘堰五分

教忠祠記

方海春

大中丞李忠武公續賓殉難三河我

皇上震悼累日祭葬賜卹有加

特詔湖南北江西安徽各省立功之地建立耑祠以祀誠以死

彭澤縣志

卷之十八

忠義祠

渠

事之臣功在社稷旌一人之忠卽所以教天下之忠也故
雖以吾邑凌茂才註經之自衛鄉里而一能死節亦蒙當
事者

奏請卹蔭如例矧其在一時名將哉然愚以爲功無大小而

以身死國其可以教人忠則一而已歲癸丑正月十三日

賊由大江順流而下直趨金陵巢窟既定復泝流而上入

九江取武昌長江千里不復爲朝廷守賊旣築小孤洪更

於對洲爲犄角計城置守將焉設僞監軍官以司民事徵

收錢糧逼應僞試紛擾殆無虛日稍知自愛者遂皆屏氣

忍息而不敢聲爾時忠義之心有愈積而愈憤耳其後楊

韋自相魚肉四僞王相繼以斃賊黨益無紀律道路行來

一應取給於民有僦五十一指揮徐賊者尤貪酷凡遇舊家子輒榜掠拷訊之眾怒所激遂聚而殲於九都之橋亭而團練之事以起嗣是邱家壠有戰浙村灘有戰嵐嶺嶺嶺各卡亦繼有戰先後死者共若干人蓋彭邑處西江下游而靖安一局與安徽賊巢緊逼故接戰特多苟非我

國家深仁厚澤浹洽二百餘年安能忠義若斯之奮耶某等

辦團數載不忍死者之名沒不彰也除援例請卹外本局公議為置田若干畝擇老成殷實者司其出入擬將來建祠一所俾歲時春秋祭祀焉死者之心其庶可以請思乎乃某更有進者租入幸有贏餘請於三都鄉試諸公斟酌多寡之數給卷費各若干會試者有加焉以為貧無資斧

彭澤縣志

卷之十八

教忠祠

七

者之一助私人士式瞻祠宇幸而騰達當思勉為享大中丞否則值此時艱凌君之所為又未始不可以自勵忠義之思諒必有油然而生者矣我知茲祠之建不徒勸一時之忠而且有以作後世之忠於無窮故遂齋之曰教忠云爾

附載祠田地號畝於後

- 一咸豐十年契買丁采藻民水田五號共計三畝三分
- 一咸豐十年契買丁召南民水田一號計八分
- 一咸豐十一年契買劉鴻達民水田四號共計一畝九分五厘
- 一咸豐十一年契買劉鳳羣民水田一號計九分
- 一咸豐十一年契買李茂蘭民水田四號計一畝一分

- 一咸豐十一年契買計煥可朱國芳等民水田三十一號共計十六畝一分陸地十三號共計五畝九分
- 一咸豐十一年契買凌士英民水田二號計三畝一分
- 一同治元年契買劉懷玉陸地四號共計二畝四分
- 一同治二年契買丁興謨民水田一號計一畝二分
- 十二都南寨義勇祠屋宇田畝
- 一買受宋秉寬店屋一重坐落本都爐峰口上街坐西北東南至公路西北至宋園
- 一買受宋學美民水田四號計丈三畝四分坐落本都四房灣門首與至公寨對共
- 一買受崔省夢呂韻佳民水田七號計丈五畝俱坐落

彭澤縣志

卷之十八

教忠祠

渠

本都花橋上下首

畢家渡劉智湖渡下縣西二十五里乾隆初年生員黃啟元捐造渡船一隻劉永富裔員生全珮光潤安魁等捐置田地五畝九分屋三間并堂屋山基南岸涼亭一所招舟子居住耕種為撐駕工食後啟元之子生員黃麟翔捐毛家堰田三畝以貼劉氏造船費自後水淹無收至同治二年賊入境船毀亭折九年劉永富裔孫捐費建涼亭一所及渡船二隻行人利之

汪家義渡乾隆十一年生員柯在揄儒士宋允升等募眾姓約千餘金造渡船大小二隻西岸涼亭一所置有田地庄屋具詳勒碑永遠修造以垂不朽

山地坐落開後

- 一買坐落張家壠塘上第二號田一畝五分
- 一買坐落韓家壠塘下第五號田一畝五分
- 一買坐落大壠西楊塘下第一號田一畝二分
- 一買坐落楓樹壠蓮塘下第五號田二畝一分
- 一買坐落瓦庄壠塘下連二號田共二畝三分
- 一買坐落中嘴坂田一號計八分
- 一買坐落大壠岡地三號共計三畝
- 一買坐落涼亭邊地一號計八分
- 一募捐坐落湖東白石山南邊高低田三號計二畝八分
- 又地十一號共計四畝正

彭澤縣志

卷之十八

畢家渡汪家義渡

堯

- 一買坐落黃金上坂田一號計二畝
- 一買坐落上白關坂田八號共計四畝二分
- 一買坐落罌老店陳墩後地二號共計一畝五分
- 又乾田一號計一畝 又地一畝零五厘
- 一募捐坐落岳山丁家塢田十一號共計十畝二分
- 又地一號四分 又柴山一片

兩岸田地共計四十畝零三分五厘立汪家義渡册名完
糧每年租利以供渡費一切捐輸姓名銀兩銘諸碑石以
爲疎財好義者勸

是渡也道光中連年大水所淹田地諸多荒蕪租利俱用
不敷水涸止一小船繫港行人拉索往來水漲則民渡

如而義渡瘦廢者壽高正愷以拉索不利行人捐建木橋
行歲浩費不下數十金三十年來蓋幾幾乎盡家所有年
逾五旬連舉三子時生為倉應元州同高廟廟歲貢方申
等見正愷好善樂施不勝感激爰於汪家義渡董其事興
利除弊經畫久之道光二十六年民渡覆舟溺斃者眾應
元之子監生煥明商之炳駒中等募眾姓除捐田地外約
千餘金復造大小渡船二隻僱渡夫四名築成湖壩修葺
涼亭用是義渡復興行人永賴所有續捐續置田地坐落
號畝開列於後

柯瞻泰字品巖號峻峰國學生因汪家渡覆舟溺斃數人
倡捐坐落六都田埠嘴水田七號計六畝七分又干田四

彭澤縣志

卷之十八

汪家義渡

卒

分又低田二畝又陸地六畝五分又庄屋上下二重與陽
姓其分已得東邊一半計七間又柴山一片稻場餘基坐
山應得股分在內總共科米餘歸公復興義渡往來得無
險阻子茂琚入郡庠

一募捐坐落三椿壠干田八分

柯道明捐

一募捐坐落馬當礮南一甲坐東朝西店屋一重

生員扶
永清捐

一買坐落王家邊田六號計十畝五分

一買坐落王家邊乾田三號計二畝四分

一買坐落王家邊地二十八號共計一十八畝九分

一買坐落林灣後田一號計五分

一買坐落林灣後地四號計二畝九分

一買坐落大隴九斗塍上地二號計二畝

一買坐落南坂地一號計九分

一買坐落金盆架地三號計二畝五分

一買坐落韓塘下第三坵田一號計一分二厘半

一買坐落蓮花塘上田一號計六分二厘半

一買坐落黃山下田一號計一畝

一買坐落十蓮塘下田一號計一畝

一買坐落三椿壠田五號計五畝三分

又地二十號計十一畝二分

又莊屋一重并坐山菜園餘基稻場計六分

一買坐落李屋冲地十三號計六畝八分

彭澤縣志

卷之十八

汪家義渡

奎

一買坐落趙家園地二號計一畝五分

一買坐落火燭冲田三號計四畝三分五厘

又地四號計三畝五分

一買坐落余家灣田二號計五分

一買坐落甘冲壠地二號計一畝四分

一買坐落樺家山田十七號計四畝一分

又地三十七號計十五畝三分

又莊屋一重屋後坐山一片上至召亭公匡嶽公山下

至悅之東美并契內田壩南至大石洪水溝直出北至

船山流水爲界所有山上大小樹木一并在內

一買坐落渡口東岸基址後地一號計三分

又全處山林一所 又挨連橋屋後菜園一片

一買坐落灣塘屋門首田一號計八分

又岡地一號計一畝二分 又下首地五號計

三畝二分

一買塘壩屋下手地一號計八分

一買坐落白石山田地一所與陽姓共分渡得四股之一

以上續捐置田地共計一百一十畝零六分併前原捐置田地俱入汪家義渡册名完糧惟冀董其事者永遠矢公矢慎庶斯渡之不朽也

大埠頭義渡李祖旦碑 文歲癸丑我

皇上御極之十一年也 乘乾致治紀綱秩然濟人利物不遺細微而關渡要津尤加整飭故舂流飛舶水涸成梁雖彭澤縣志

卷之十八 大埠頭義渡

奎

有鄭相之車蓋久已無煇利載矣彭邑依山濱水溪泊爲多而最險要者惟三都之太泊湖時而洪波泛漲欲塞涉而難前時而帶水消涸縱芥舟而莫用苟非舟梁並設措置猶疎越後予因公適過其處惟見波濤萬頃一望茫然徐而一葉輕舟搖棹以待予異而問之則曰此微郡舒惟夏之捐貲也每歲造舟駕梁傾囊以給弗吝也又爲善後計置房市產收租修補

陳

劉二公記之甚悉余聞嘆賞久

者也今觀惟夏之願力遠大善行寧可量哉幾欲贈片言獎勵爲彭邑人士倡而未遑也適今惟夏年老將歸邑中諸士民咸請申詳以爲好善樂施者勸而惟夏亦呈請以

山房而欲壽之石更又陳明當日其事有二兄俾欲
其善且曰老輩耄矣第懼身後子若孫不體予三人
衷或生異議而廢厥志也嗚乎噫嘻人固有慕仁強義
鏡志當年而衰於末路者惟夏胡之在胡更欲長留身後
何好義樂善之無窮耶余益喜爲書尤其請而先爲之記
俾後之君子同爲護持庶不虛
陳二君之嘉子諸紳士
之懇誠是則予之志也夫

大埠頭義渡在縣東三十里大泊湖康熙三十六年監生
舒惟夏建造大小渡船二隻木橋二十七截捐置田地庄
屋以資修葺縣府申詳布政才旌以功存利涉總督趙旌
以利涉通津日久舟壞渡廢黟邑項青萬接造義船不數

彭澤縣志

卷之十八

大埠頭義渡

三

年又廣運聽土人私渡但此渡爲諸省通衢風狂浪巨洵
屬險區而土人故作留難一開渡則蜂擁登舟舟小載重
輒遭覆溺咸豐三年職監余榮燦慨然仗義倡捐田地若
于葉黃渡畢諸公繼之僉立董事又募眾姓醵金置產四
年新造大船二隻稱利涉焉初惟夏坐賈於馬當所捐田
產皆伊店承管爾時船雖廢而橋如初道光以來歷年洪
水田地淹沒村粒寥寥不惟渡船聽之土人卽每年修橋
之資亦時形匱乏耆民柯席芬監生詹煥明等勸眾造橋
廿一截惟夏裔孫依虞見船橋俱已興復於咸豐六年備
席將伊祖捐產立約付義渡董事承管於是新舊產業合
而爲一舟橋兼修不猶惟夏義舉之舊歟而興復之善果

其合附載並垂不朽

附載義田義房併基地莊屋田地號畝坐落開后

一買馬當鎮礮南店屋一所前後四重又屋後隔街院子
一個共計基地一畝六分

一造方家灣莊屋一所三間二廂左右餘屋六間堆貯木
橋屋二間基地在後開內科米

一買方家灣干田陸地共二十二號計干田六畝七分計
陸地一十一畝七分塘二分七厘

一買方家灣秧田一號計五分
一買師姑壠水田二號計七畝

一買蔡家埠湖田二號計一畝二分

彭澤縣志

卷之十八

大埠頭義渡

畜

以上監生舒惟夏捐置 乾隆庚子年惟夏姓孫監生
舒杰續捐置田地號畝坐落列后

一買師姑壠水田二號計三畝八分塘一口

一買椿樹壠水田一號計四畝七分

一買方家灣陸地六號計四畝三分塘一分

一買破屋林陸地四號計七畝一分

一買蔡家埠陸地一號計二畝五分

一買內湖西邊岸陸地一號計一畝

一買詹家屋後陸地一號計三分五厘

一買詹家屋後陸地二號計五分

一買詹家下邊大路陸地一號計五分

- 一買詹家屋後干田二號計二畝三分
- 一買黃牯壠南岸干田一號計三分
- 一買黃牯壠陸地一號計一畝三分
- 一買黃牯壠南岸陸地一號計八分
- 一買甘冲壠干田一號計四分
- 一買甘冲壠陸地二號計九分
- 一買老虎壠陸地一號計五分
- 一買寨杆下陸地一號計八分
- 一買長嶺頭陸地二號計二畝一分
- 一買夏家邊陸地四號計三畝一分
- 一買林家塆陸地一號計三分

彭澤縣志

卷之十八

大埠頭義渡

壹

一買蔡家埠草湖三片計得二十八股之三
 每年草課銀三分在賣人戶內完納
 總前共計義水田一十六畝下湖田一畝二分 共計
 義干田一十一畝三分塘三分七厘 共計義陸地三
 十七畝七分五厘應科額米二石二斗二升七合六勺
 九抄二撮五圭另編義渡戶冊完納

續捐買田地坐落號畝開后

- 一余燦榮捐都大壠四科樹下高低田二十七畝五分
- 又山崗地三十四畝一分庄屋三所得三股之一
- 一葉秀春捐都廟上高低田一十三畝四分又地七畝山
- 地五畝九分二厘庄屋一所得六股之一

一黃全盛號捐

都九

桑園前後坂田七畝二分又冲田

三畝二分

一畢玉珠公捐

都四

竹林橋田四畝一分七厘又地

三畝九分五厘

一凌礮溪捐

都六

瀼溪港街後田八分

一凌地山捐

都六

瀼溪港街後田四分

一凌朝曦捐

都六

瀼溪港劉姓後坂田六分五厘

一南壠田二號各一畝二分

一項利仁捐

都四

周家埠山冲田五畝七分

一詹炳勳捐

都四

亭子壩下田一畝七分又崗地四畝

一僧道生捐

都四

葉家山田二畝一分又山地三畝九分

一王文雅捐

都三

老屋畢姓上下地八畝零

一劉合泰店捐

都三

杜家嶺地三畝二分

彭澤縣志

卷之十八

大埠頭義渡

奕

奕

一譚生生堂捐

都四

九股其分田已得一股計一畝六分厘

又其分地已得一畝八分零

一汪景福捐

都三

高家屋前地一畝六分

一買

都四

車家塘民水田與周姓其分已得二十一畝九分

厘

又

其分地已得一十四畝七分六厘零庄屋其分

一買

都四

袁家崗袁姓下手田三畝又全處

與黃姓共分田已得五畝零

一買

都四

葉家山王姓屋下手田三畝

一買

都九

桑園陽屋後油店屋一重四股其分已得一股其

屋所有前重廳堂櫃房銀房寢房倉房並排六間後重

權房牛欄共一大間左邊餘屋二間右邊餘廬三間基

址獨場圍墻餘基菜園厠屋并榨研全付俱在內

大埠頭義路城東三十里白耆民柯廣芬等募費從平蕪
中築長隄以通橋路後被洪水冲奔盡成平場更多溝缺
坎陷徒行甚覺不便監生張冠羣時貿易建德往來由此
備歷其艱捐馬當店屋一重僧道陞繼捐四都葉家山等
處民水田四號計三畝六分半又民田一號計一畝二分
又地十一號計五畝二分俱付席芬管理席又募費買項
我山葉家山等處民水田五號計三畝一分又地十二號
計六畝三分又乾田二號計一畝每年收租隨路修補至
咸豐九年席芬物故將帳付大埠頭義渡董事兼管遭
咸豐十一年洪水將店屋淹壞幾費修理無租董事詹鵬
萬商諸冠羣於同治三年將該店屋出售得價錢壹佰叁

彭澤縣志

卷之十八

大埠頭義渡

卷

拾千文買九都柳樹會上坂田四號計四畝七分下坂田
十九號計二十一畝四分又會田坂田十四號計十二畝
一分又曾姓門前冲內田一號計七分四共田三分八號
總計三十八畝九分永存爲修路之資

丹山墩義渡在縣西南二十五里方湖內故屯田一十五

畝坐茶山後鮑家壠一連三十三片又何家壠民田二片

計二畝一分又細灣地五片計二畝又舊涼亭基地一分

芙蓉墩義渡縣西十五里

上有隄往來孔道植柳以強行人嘉慶間稟縣立碑永禁慙伐

柯友桐記滄海桑田原有天地之變遷積石龍門端賴人

事之補救彭邑澤國也山叢於內江走於前自縣治沿江
而上十里許東南山溪眾派之水滙爲方湖湖之下東有

青山頭西有芙蓉墩相對成峽墩之下地連得勝洲湖水
自峽口出山洲之內山之外注溪北流繞鐵爐山鍾子磯
至城西鏡子山與西門胭脂港之水會胭脂港外有洲巨
江而上水復西流約八里許至陞官口入江鏡子山下溪
舊立有官渡西南往來者多由芙蓉墩得勝洲至官渡而
濟康熙年間陞官外洲漸次沒江近年以來得勝洲地亦
崩瀉殆盡至是山溪之水與湖水至芙蓉墩徑直入江當
夫江涸則湖水衝以出湖涸則江水溢以入至春漲夏滂
大溪泛濫水勢浩瀚風號怒生浪翻波湧當之者靡不胆
戰心驚動色相戒矣夫以此地爲邑里四達之衝在官者
驛遞孔道郵站腰途在民者負販奔走熙攘往來刻無停

彭澤縣志

卷之十八

月山墩芙蓉墩鐵爐

渡

息行者既無舟子之招又非杠梁可施只藉漁舸小艇往
往招呼莫應卽應亦故作留難重索多載蠅頭生命覆溺
時聞此地爲黃土港稅課水利糧册之地照例業甲目繫
心傷咸願捐貲造舟立渡願工撐駕永不索錢庶可易危
而安又慮舟楫易朽工無常食難立久遠於是各魚戶共
捐銀四十一兩買本洲課地四十四畝又捐鐵爐山以至
芙蓉墩頭網埠止水面港涯醫埠議舉一人總理其事因
柯氏爲漁戶之首咸推柯子會謀以董之復訂綠簿各領
募化其捐貲所置業產收其籽粒以足工食以資修理且
可增厓路以備江泛立亭舍以避風雨規畫誠善也於是
鄉之紳衿子民等請之 邑侯李公夙然稱爲義舉詳之

上憲立案以重其事錫之嘉名勒石以揚其休曰芙蓉墩
義墩無何募化之舉所領緣簿五十四本止十三本繳完
而簿之所載收銀二十四兩二錢會謀不甘半塗而廢毅
然獨任自爲醫產變價二十一兩又續置洲地九畝七分
以足贍工修理之費夫修理橋梁道路王政也亦功德也
況上有濟川舟楫之大人鄉有濟人利物之義舉是不可
以無紀今將所置船隻工價洲地亭舍與捐助銀兩姓名
臚列鐫石垂之永久俾後同鄉之士覽之共識地產不致
失業修其敝壞不致阻行庶續其義舉於不朽云是爲記
計開地片畝數於后

一得勝洲黃字七號周元白課地六片

彭澤縣志

卷之十八

芙蓉墩義渡

完

又全號黃健能課地二片

又全號汪朋飛課地二片

共課地十片計丈四十四畝其價銀四十一兩正係

乾隆八年買受陶鍾萬珍萬之業道光間坍塌

一續置芙蓉墩課地七片計丈九畝七分價銀二十一兩

買受劉永安之業

一儒士韓碧

江海妻劉

氏孀居好善道光二十一年捐民水

田五坵計六畝一分三合民干田六坵計三畝民陸地五

片計四斗六升總共捐田地一石三斗七升三合

一同治十二年聶接福捐民水田壹坵計壹畝叁分坐落

獨山中灣坂上

山夫灘義渡又名普濟渡縣東二十里嘉慶十二年舉人汪占魁廩生凌瀚等募置船隻買田十五號計十六畝六分地十七號計十三畝六分坐落方家村并田埠嘴庄屋一重

計開田地畝數於后

一坐落蛇形咀民水田計一畝二分一坐落楠樹壠民水田計九分

一坐落全處民水田計六分一坐落全處民水田計三分

一坐落田步咀民水田計二畝五分一坐落方家廟後民水田計八分

一坐落全處港邊田計七分一坐落全處田計六分

一坐落田步咀計一邊三分一坐落全處田計一畝三分

一坐落同處田計一畝一坐落全處田計二畝

一坐落墩下田一坐落全處田二畝零

彭澤縣志

卷之十八

固夫灘義渡

半

一坐落大杆下地計一畝五分一坐落全處地一畝五分

一坐落全處地計二分一坐落西塘後地計一畝二分

一坐落樓梯步地計五分一坐落絲茅壠地計四分

一坐落全處地計一畝二分一坐落全處地計九分

一坐落全處地計三分一坐落瓜茅墩地計八分

一坐落楠樹壠地計八分一坐落全處地計七分

一坐落同處地計八分一坐落石嶺崗地計八分

一坐落狗壠地計一畝二分

南田坂義渡碑記

方世英 凌守信

公捐建

方 申

義渡之設不知始自何時春秋伍員奔吳漁丈人臧舟以渡脫劍酬之不受其義渡之濫觴與元時有鄭潛者立自

苗陽岐二渡買田以給操舟者之衣食人利賴之名其處
曰鄭公渡竊維欲建義渡非買田以爲根柢必不能垂久
而不廢買田不擇膏腴一遇大水所入不敷所出亦不能
應用而不窮今南田坂之設義渡也買數百金常穩之計
以利往來經費所出凌守信公輸其一我祖方世英公倍
之其號畝租利具載碑後防侵蝕也第念此地春夏泛漲
消長有時以二姓所捐輸供一衣帶水之用得其人以善
爲維持吾知其承保無虞也然吾猶慮善爲維持者之難
其人而承保無虞者之未必果無虞也平泉庄記不云乎
以平泉庄與人者非吾子弟以平泉庄一花一木與人者
非吾佳子弟贊皇公之所慮吾亦慮之故舉其言以諭兩
彭澤縣志

卷之十八

南田坂義渡

圭

姓之董事於後者

附載田地號畝租利於後

一買田地一庄屋二重俱坐落方村其水田二十五號
計丈二十三畝七分每年寔租穀四十八石六斗九升
五合陸地一十五號計丈一十四畝每年寔租錢八千
八百八十文又干田三號計丈一畝一分每年寔租穀
一石九斗又干田一號計丈一畝五分每年寔租錢一
千二百文正

一續置水田共十一號共計一十四畝正每年寔租穀
二十九石五斗正

浙村橋在六都發淇嶺西咸豐三年凌州民捐田六畝七

分五厘爲修橋渡船之費

一大桃源口廟墩側田三分 一全處田四分

一全處田一畝 一大桃源口吳家山下田七分

一華家山下三角坂田七分五厘 一全處葫蘆坵田一畝

一固村寺門首田粘連三坵共計二畝六分

又眾公捐產

凌伯河捐固村寺下首田一號計八分

凌嵩堂捐小桂門首田一號計四分

凌巧祥捐車陂灣田一號計四分

凌琦捐大桂冲內田一號計四分

凌朝曦捐犀牛角田一號計九分

彭澤縣志 卷之十八 澌村橋

凌汝銘捐沈家坂田一號計六分

凌明耀捐冷水壠田一號計九分

黃全盛捐滾溪港田二畝六分

又捐桑園屋對門坤田三號計一畝九分

以上咸豐八九年公捐係計選之凌賓錫管

嘉慶九年職監丁世馥西蜀舉人李天英徽州監生許瑛

捐觀音閣香火田地

一牛黃隴水田七坵計八畝

一陳家山水田五坵計三畝八分

一陳家山陸地二片計四分

一馬當段家嘴水田四坵計四畝八分

一全處螺螄沖水田一坵計七分

一廿庄壠水田一坵計五畝

一全處陸地十二片計七畝

小鴨二個在內

一全處庄屋一重門榻俱全

一橫山橋水田大小十一坵計十一畝六分

一同處干田四坵計三畝三分

一同處陸地大小五片計二畝五分

一同處獨塘一口庄屋并基三間又門首溝外屋基一間

一鄧家嶺水田陸地分貳厘半又干田六分又陸地四片計二畝

一北關外園內湖田六坵計五畝五分

外上園塘四口廂一口中園塘一口計五分

彭澤縣志

卷之十八

觀音閣

壘

一牛黃壠干田貳坵計叁分陸地十五片計四畝六分

外庄屋基址餘基坐塹樹木與劉姓其分已得一半

馬當磯嘉慶二十四年邑人汪永芳捐錢拾千文監生項

元捐錢拾千文監生倪文林捐錢五千文監生倪懋林捐

錢貳千文皆公存生息以補買纜之費

劉聖湖渡捐產

同治十二年冬儒士魏灼齋公之子捐湖邑蕭元就戶散

屯水田一連大小二十七坵其計二十六畝五分又按身

千田三片計二畝六分內將一半捐與劉聖湖分渡管業

坐落馬春嶺橋下張家門前

跋
壬申夏予自豫歸適邑中
纂修志乘閱二年未成絀
於費也癸酉三月陳筱塘
邑侯奉大府檄來攝斯篆
下車伊始即汲汲以志書

為要務而總纂之歐陽明
府九雲已轉受府志局之
聘此時不但費難籌人亦
難得矣予抵里後戢影蓬
廬久不與人間事乃蒙陳
侯造訪欲畀以纂修重任

自慚荒陋再四固辭陳侯
復謀之許太史啓山時太
史服闋將北上極意挽留
弗獲已強予同辨所幸原
藁將次編成俱臻妥協爰
廣延鄉董商釀刊貲五月

開修七月付梓至年終八
閱月居然一律告成噫予
何人斯躬逢盛舉且有為
之前為之後者予得濫廁
其間藉藏鳩拙竟何修而
獲此耶是書肇始於星樓

趙君蕨事於筱塘陳君茲
述接辦之由特識數語於
紙尾皆同治甲戌新正月
上浣之吉邑人周劼謹跋

